



九

00222


唐文拾遺卷之二十五

榮祿大夫三品頂戴前分巡廣東高廉道加四級軍機處

嚴浚

全唐文五百二十六有傳長款其

武成王議



謹按李紆所奏援引訓典比量禮度祝文輕重之殺
獻官尊卑之節誠至當矣而推以廣之抑未盡也夫
大名徽號先聖王所以褒前哲令德之人謂其言可
以範圍其行可以師表其功可以施百代其業可以
振千古苟未至也則不可虛美其于太公兵權奇計

卷二十五

一

之人耳當殷辛失德八百諸侯皆歸于周時惟鷹揚
以為佐命在周信有功矣于殷謂之何哉祀典不云
乎法施于人則祀之有功于民則祀之仲尼之祖述
堯舜憲章文武刪詩書定禮樂使君君臣臣父子
子后王及學者皆宗師之可謂法施于民者如周棄
之始播百穀勾龍之序平九土生人衣食者皆受其
賜可謂有功于人矣非為是族其有片善式閭封墓
也我有唐以義兵集大勛以武德平禍亂度隋室法
堯之禪當夏啟慕禹之績立法垂制酌乎永貞觀中
以其兵家之流始令礪溪立廟開元中著上戊釋奠

之禮其于追寵不爲薄矣上元之際執事者苟以兵
戎之急遂尊武成封王之號擬議于文宣王優劣萬
殊不可以訓禮不云乎擬人必于其倫春秋左氏傳
曰唯名與器不可假人孔子曰名不正則言不順太
公之于聖人非倫也口至而德尊非名也德薄而名
大非順也有一于此是爲神羞况三者皆謬安可微
倖之哉太史公以韓非與老子同傳人到于今非之
高祖封韓信爲侯自耻與絳灌等列况聖朝褒□之稱
其可雷同乎愚以爲宜去武成及王字依舊令爲齊
太公廟人無間言矣享獻之事餘依李紆奏

大唐郊
祀錄十

卷二十五

二

參唐會要
二十三

按全文所收與此不同

李巽

全唐文五百二十六有傳

天表比類累年糶鹽錢數奏

江淮河南河內兗鄆嶺南諸鹽院元和三年糶鹽都
收價錢七百二十七萬八千一百六十貫比量未改
法已前舊鹽利摠約時價四倍加榷計成虛估錢一
千七百八十一萬五千八百七貫貞元二年收糶鹽
虛錢六百五十九萬六千貫永貞元年收糶鹽虛錢

七百五十三萬一百貫元和元年收糶鹽虛錢一千
一百二十八萬貫二年收糶鹽虛錢一千三百五萬
七千三百貫三年收糶鹽虛錢一千七百八十一萬
五千一百貫謹具累年糶鹽比類錢數具所收錢除
准舊例充鹽本外請付度支收管

册府四百九十三

同寶參
參字時中刑部尚書誕孫以蔭累爲萬年尉德宗初
爲御史中丞俄拜中書侍郎同平章事宣武劉士寧
餉參絹五千帝大怒以爲外交戎臣貶驩州司馬賜
死

卷二十五

三

續差御史監祭奏

得監察御史鄭襄狀準六典應郊廟祀祭皆御史監
之蓋職在省其器服闕其牲牢有不修敬則舉劾聞
奏主者嚴薦獻交神明監者舉過繆糾闕誤所務不
同準式齋官有故許通融行事公事數人可得通攝
其監祭御史唯有一人舊例有故便闕者伏以祀事
肅恭國家大典苟無糾察恐虧慎重却請以後監祭
御史誓戒後有假及改轉者許續差御史令沐浴潔
服往卽冀官次有常禮物嚴備

唐會要六十

武元衡

全唐文五百三十一有傳

更請厨料本錢疏

厨料欠少更請本錢一千貫文收利充用置捉錢四人其所置請用直官及寫御書各兩員每員捉錢二百五十貫文爲定額即免額外置人

唐會要六十四

三院御史班序奏

准貞元二年班序勅使下三院御史有本官是常參官兼者即入本官班如內供奉裏行即入御史班緣使下御史近例並不存內供奉班內請自今以後諸使下御史內供奉者入閣日并依宣政殿前班位次

卷二十五

四

員外郎之後在正臺監察御史之上使爲常式

唐會要二

五十

三品官除謝奏

中書門下御史臺五品以上官尚書省四品以上官諸司正三品以上官及從三品職事官東都留守轉運鹽鐵節度觀察使團練防禦招討經畧等使河南尹同華州刺史諸衛將軍三品以上官除授皆入閣謝其餘官許于宣政南班拜訖便退

唐會要二十五

裴度

全唐文五百三十七有傳

興元府廢金牛縣爲鄉三洋州廢洋源縣爲鄉五閬州廢岐平縣爲鄉四利州廢景谷縣爲鄉五通州廢三岡縣爲鄉四廢石鼓縣爲鄉五巴州廢奇章縣爲鄉四廢盤道縣爲鄉五蓬州廢郎池縣爲鄉六廢長山縣爲鄉六集州廢通平縣爲鄉十璧州廢廣納縣爲鄉六渠州廢大竹縣爲鄉三廢潯水縣爲鄉三鳳州廢黃花縣爲鄉二開州廢萬歲縣爲鄉六準今年三月勅廢金牛等十六縣爲鄉令並隨便近割隸屬諸縣訖

唐會要七十一

卷二十五

五

乞留男讓奏

京兆府參軍裴讓是臣男年甚幼小官無職事今准近勅須令守官伏以臣男之官無慮數人悉是資蔭授官所以置之散冗守官旣無功事離任從無妨闕伏乞天恩依前令在臣所任

册府四百四十七

西門元佐

元佐元和中鄉貢進士西門大夫從姪

大德大德故朝議郎行宮闈令充威遠軍監軍上柱

國賜紫金魚袋西門大夫墓誌銘

并序

公諱珍京兆雲陽人也曾祖口祖彭並蘊異才不苟

榮祿孝悌雖形於家室聲芳已著於遠邇父進朝議
郎行內給事賜緋魚袋立性於寬執心忠亮入侍闈
展出撫軍師厯事四朝竟無敗累故中外貴冑咸遵
厥行公器局宏邈見解殊倫幹於理劇果於從政志
存大略不忌小節恒人譏其傲睨高賢許其豁達至
德之初釋褐從仕大厯之末擢居宣徽建中四年王
室多故涇源叛卒晝入犯門鑾輿西巡以避封豕艱
虞之際尤尙通才除內府局丞充鳳翔隴右節度監
軍判官時懷光不臣潛與泚合翠華於是更幸梁洋
節使楚林果有疑貳公每於衙府輒肆直言諭其將

卷二十五

六

士微以禍福國家靡汙隴之憂州縣免誅夷之弊微
公之力殆不及此德宗聞而異之俾充荆襄沔鄂洪
府宣慰使興元元年遂除洪府判官隨先鋒兵馬使
伊慎下安黃等州貞元元年來獻俘馘上旌公功拜
內僕令令赴本道其年秋季改充豪壽觀察監軍判
官尋除張建封尙書爲徐泗節度詔公獨監送上臧
名如故其年朝覲遷荆南監軍上以公習於戎事欲
將任重聖心未決久而不遣至八年充劔南三川宣
慰使其六月監淄青行營兵馬三千餘人戍于岐山
西扞荒服上以公臨事不私撫軍有術凡積星歲踰

十瓜時十三年入奏上嘉其勲錫以朱紱毘戎自從
會盟歷負恩信知我有備未嘗犯邊上以關東甲士
遠從勞役悉令罷鎮却歸本管三軍別公援轡揮泣
如訣父母豈勝道哉既歸闕庭復任高品暨德宗昇
遐順宗嗣位爰選耆德以輔儲皇轉爲少陽院五品
永貞元年屬今上龍飛公以密近翼戴之績賜紫金
魚袋充會仙院使元和元年改充十王宅使歷事六
朝公智足以周身謀足以解難事上不逼接下不侮
自束髮委質銜命撫軍宣慈則蒸庶再蘇討叛則兇
渠授戮動有流譽人無謗言若非淑慎曷能臻此公

卷二十五

七

身居祿位志不驕矜克遵象外之談不諱生前之事
遂於長安縣龍首原西距阿城東建塋域高崗雖枕
夏屋未封君子聞之僉曰知命夫人馬氏驥之女也
內備四德外諧六姻邕睦允暢於曹風折旋不虧於
戴禮不幸先公而歿有子四人長曰季常次曰季平
季華季燧或名參密侍或職列禁軍咸蘊構堂之姿
俱是保家之主以元佐性無飾僞文好直詞爰命紀
能庶旌實錄其詞曰
洪河孕氣兮嵩岳粹精聖君當馭兮哲人乃生才調
不羈兮智略縱橫器宇寢深兮量包滄瀛結髮從宦

兮捐私徇公弱冠受命兮臨人撫戎入侍丹陛兮三
接明寵出宣青塞兮九譯潛通功成位高兮鏘金拖
紫居安慮危兮先人後己去健羨師老氏之玄言齊
死生宗大仙之至理自昔有生兮孰能不亡考彼靈
龜兮兆此龍岡或楛或築兮高墳深穴爰栽爰植兮
青松白楊上以公恪勤事主密慎左右至七年遷
監威遠軍使晝巡夜警衛士畏威敷奏闕庭眾稱其
美謂保貞吉以享百齡逝川不留奄隨朝露以元和
十二年七月一日邁疾終於脩德里之私第春秋七
十有四以明年七月廿日壬寅遷窆於長安縣承平
鄉先修之塋從其命也

石刻

卷二十五

八

魏匡贊

匡贊三衛出身元和間劍州晉安縣主簿

大唐故宣州司功參軍魏府君墓誌銘 并序

大人諱邈字仲方其先鉅鹿人寄居于京兆府咸陽
縣積代矣頃因祿山暴逆鑿輿南征畿甸土庶皆爲
俘馘由是圖籍毀致產業烟燼不可復知先人之事
也此無以述曾祖賓皇仕隴州長史祖母王氏祖朝
隱鄙惡浮名高尚其仕祖母栢氏伯父遜試左衛率
府兵曹參軍皆不幸短命先歸黃壚且大人少履文

字貞元初以鄉舉射策上省者五六以賄援兼無竟不登第然當時稱屈者衆矣其後爲河陽節度使所辟隨逐戎幕處事詳明奏懷州參軍丁祖母憂不上後參選拜果州司戶參軍未上爲度支山南租庸使所厚抑志勾留共理鹽鹵官滿不舍其後懼以覆餗懇辭所榮租庸使韋公不勝其辭由是獲免旣而四海無業一家若浮遂携老幼而入關關中無投足之地賈居于萬年縣之勝業里飄然無託食於親知者首尾五祀出無車輿坐寡糧糗妻孥有含菽飲水之患無衣無褐之虞而我父不爲恥不隕越者以其知

卷二十五

九

止知足達於至理者也元和四年夏四月相府裴公因人而知其善補待制官掌握絲綸廉慎益著地居近密不發私書朋舊昵親由斯咸恕人雖欲遺之金布斗粟曾不我容焉所謂蹈火不熱履霜堅冰其此之由乎拜婺州司功參軍轉宣州司功參軍未滿今年復有詔令之本官以其年十月十三日終于宣州宣城縣之公館匡贊親侍靈舁明年歲次乙未四月八日己酉葬于京兆府萬年縣之畢原禮也於戲大人履善道踐古事亦已久矣而不曾極耳目之所觀聽娛心意之所愛樂一生蹇蹇終日棲棲而死之日

餘俸不足以葬藏一身兒女無歌哭之地其不痛矣
然則庸非儉極乎孃趙氏試璧州別駕昇之女自罹
豐咎泣血終日加以孤幼纏繞厄羸殆深生男女六
人女三人長曰素恭嫁李氏仲曰季風嫁侯氏季曰
季雅猶未從人兒三人長卽匡贊仲曰文質皆三術
出身季曰齊貢拜兗州都督府參軍丁此憂不上并
生遭不造少集荼毒酷裂煩冤無所逮及倉天倉天
噫大人積德累仁如此竭忠盡孝如此宜乎天地孔
昭神明大鑒享年有永降福穰穰者焉如何朝陽露
晞珪璋暴殞倉天倉天此贊所不以斯文託於人以

卷二十五

十

其情地崩迫冀其紀事之明也雖讚父之德則爲寵
親而內舉不避且旌善入其辭曰
冲和降氣誕生忠良和順內積英華外揚靡暴于弱
無凌于疆天胡不惠流毒禍殃情魂倏殞聲積彌彰
千齡兮萬代共響乎遺芳

石刻

韋同翊

同翊鄉貢進士

唐故龍花寺內外臨壇大德韋和尚墓誌銘

并叙

大德姓韋氏法號契義京兆杜陵人也元和戊戌歲
四月庚辰恬然化滅報年六十六僧夏四十五粵以

七月乙酉遷神於萬年縣洪固鄉之畢原遺命不墳
不塔積土爲壇植尊勝幢其前亦浮圖教也曾王父
諱安石皇尚書左僕射中書令大父諱斌皇中書舍
人臨汝郡太守烈考諱袞皇司門郎中眉州刺史家
承卿相德勲之盛族爲關內士林之冠始先妣范陽
盧夫人以賢德宜家蕃其子姓故同氣八人而行居
其次在女列則長焉自始孩蘊靜端冰潔之性及成
人鄙鉛華靡麗之飾密真心於清淨教親制奪其持
愈堅年十九得請而荆落焉大曆六年制絳龍花寺
受具戒於照空和尚居此法身本於天性嚴護律度

卷二十五

七

釋氏高之國家崇其善教樂於度人勅東西街置大
德十員登內外壇場俾後學依歸傳諸佛心要旣膺
是選其道益光門人宗師信士嚮仰如水走下匪我
求蒙持一心之修繕佛宇來四輩之施捨金幣高閣
山聳長廊鳥跂椽設旣固律儀甚嚴率徒宣經與眾
均福故聞者敬而觀者信如來之教知所慕焉嘗從
容鄉里指於北原而告其諸弟曰此吾之所息也爲
其識之嗚呼生歸於佛歿歸於鄉至哉其孝乎所以
報生育劬勞之恩備矣竈窳之制咸所遵承弟子比
丘尼如壹等服勤有年號奉遺教杖而會葬者數百

千人極口氏之哀榮難乎如此迺沉礎而志于墓云
迷方之人妄聚之身白日下臨苦海無津我得度門
性□□□亦既落髮於焉報親孝乎終始歸于故里

石缺五南趾石刻

賈中立

中立元和時人翼王府參軍

唐朝議郎行鳳州司倉參軍上柱國司馬君夫

人新安孫氏墓誌銘

并序

夫人字堅靜建業人也曾王父瑜睦司馬卽吳之洪
允矣祖從朗錄事父愿皇慰望江成襲繁祉垂裕後

卷二十五

三

昆夫人婉婉令淑挺然生知及笄年適于司馬司倉
君窈窕閑雅謙和優柔行合規矩言堪典模恭理黍
稷調暢琴瑟義光中饋孝顯家風綱衣無華舉案有
則訓女四德示男六經親族娣姒肅然心伏凡在閨
闈莫不書紳性止恬淡情忘嗜慾洞了生滅俄而謝
世元和十五年五月十六日微疾夙瘳終于長安頌
政里第也享年五十□以其年十一月廿二日將遷
于國西阿城南原禮也嗚呼生事畢矣二女早逝有
子長裕泣血哀號抑情就福痛雍穆之風泯然斯絕
刊石紀德庶幾不朽中立舊館之賓睹其家道不揆

爲銘未充名實銘曰

婉婉積善不享遐齡貞操符禮柔和合經尺波一謝
寸晷罔停愛其芳烈刻石存銘

石刻

全唐文

五百四十四有傳

劾柳晟闔濟美進獻奏

前山南西道節度使柳晟擢任方隅所寄尤重至於
赦令理合遵行一時歸朝固違明旨復修貢賦有紊
典章伏請付法又前浙東觀察使闔濟美到城亦有
進獻當時勘者稱離越州後方見赦文道路已遙付

卷二十五

三

納無處既經恩赦須爲商量將誠來者之心必舉贖
刑之典已書罰訖伏准今年正月制自今已後諸道
長吏有離任赴闕廷者並不得取本道財物妄稱進
奉苟有違越必舉憲章柳晟等既違新令不敢不奏

唐會要

卷四十

全唐文

五百四十四有傳

蕭齋記

隴西李君約於江南得蕭子雲壁書飛白蕭字以筆
勢驚絕遂匣而寶之其遇之之由則君之贊序與崔

監察備論之詳矣君與字俱載舟還洛陽仁風里第
思所以盡其瞻玩置之之宜則箱櫝臨視不時有緘
啟動搖之變遂特建精室陷列于垣復本書之意得
遙睇之美寂對虛牖勢若飛驚雖煙霧交飛虬鸞縈
動輕旆飜颺微雲卷舒不能狀也李君以至行雅操
知名當時逍遙道樞脫落榮利識洞世交神交古人
而風致之餘特精楷隸所得魏晉以降名書秘跡多
矣以不越於縑素之間未爲殊珍也蓋壁字奇縱乃
爲希寶故異而室之文而志之意匠所得非常域也
夫蕭之爲字也切然而清於文也蔚然而整宜乎銘

卷二十五

古

壁宜乎命齋蕭齋之名與此字俱傳矣

詩苑菁華十三

按此文始見於張彥遠法書要錄題爲大父高平

公蕭齋記案彥遠爲宏靖孫文規子見唐書張嘉

貞傳諡則彥遠之伯叔行見宰相世系表自明刻

要錄後附彥遠傳有自其大父稔有能書名句此

傳記遂沿爲諡作書苑蒨華題作宏靖與唐書張嘉

貞傳世系表合且較要錄多卅餘字姑錄存之

王仲舒變法書苑辭空留佩下世對本書之

全唐文五百四十五有傳宜限辭書詞賦不

國子博士韓愈除都官員外郎制

朝議郎守國子博士分司東都上騎都尉韓愈直亮
廉潔博達而沈厚守經嗜學遂探其奧希古爲文故
得其精美宋玉之微詞尙楊雄之奇字爲已求道暗
然揚聲可行尙書都官員外郎分司東都

洪興祖韓
子年譜

翰林藻入京刺麻谷首六篇未詣頭懸懸樹也諸公

全唐文五百四十六有傳

深慰帖

辱問知所苦已減退深慰也承廿七日發時熱如此
疾未全瘳冒犯而行得否善自度之如料氣力未禁
何如改告別作逗留願審已而動勿使道路重複轉

卷二一五

五

更栖遑蒞那日送歐陽回至橫灞便屬馬脊破爛潰
特甚不乘騎數來都不出入雖不得數至問疾常令
問中和知減損將謂程寬且將息不知發日頓近明
後閒暇得鞍乘當奉詣未際預懸離別之恨恨也拙
序不足奉揚盛美過言見謝無乃外歟崔鄭歐陽詩
付往章八元陳羽各有一篇未能取得續附也諸公
處申意尋當與達卽冀展奉無復寒暄不宣藻拜手
廿三日美郭郎少公執事先所仗寫文卷閑垂檢
出續令往取謹問

寓意
錄

合浦還珠賦節句

珠之去也山無色兮氛霧冥冥海無光兮空水浩浩
珠之來也川有媚兮祥風習習地有潤兮生物振振

閩書 蘊藻之弟全唐文四百八十二有傳今次藻下

對賢良方正策

臣遠祖比干因諫而死天不厭直更生臣也福建通志

柳宗元

全唐文五百六十九有傳

唐清河張府君墓誌銘

卷二十五

七

真案石刻署柳宗元名恐是後人所加姑存其
目文已見全唐文不錄

歐陽詹

全唐文五百九十五有傳

甲漢武帝文并序

閱太史氏書見漢武之御極雖非求仁蹈道之主亦
英雄之君也然觀其內傳有學神仙築三山為飲露
猿霞希升汗漫激流企石用擬林泉嗚呼履其位而
不知所以守始其事而不知所以從夫一物各異道
萬策不同致帝王之與神仙林泉之與市朝猶鱗羣

毛族川陸分之日居月諸晝夜常之麒麟不可有處
淵蛟龍不可更居戴玉兔莫延於旦金烏罔瞻於宵
附其翼者兩其足與其角者去其齒不兼之義天理
昭彰帝者宜本於親人仙者宜先於遠世以林泉爲
意者可居於草澤以天下爲念者可謹於朝廷是以
唐堯舜無野心子晉許由辭寶祚誠以帝王與神
仙有隔林泉將市朝難并也今據唐堯舜舜之地而
求子晉許由之志不亦迂而可痛哉况君子所以推
心屈體爲僕御元元所以割膏割血爲飽煖非圖好
林泉而學神仙也故予覽其傳傷心久之戊辰歲秋

卷二十五

七

八月周覽秦原次茂陵之下既觀永歸之地彌懷所
行之事且夫承天統物豈無足稱之德歟蓋歎日月
高明有時虧異珠玉貞潔不免疵瑕徘徊路隅興言
而吊云

赫赫兮炎靈降神造漢焚秦四葉重茂翹英游新首
出群龍卓爲世祖秋風揚文夏日昭武柔不化之人
關未名之土雖殊仁聖之后是異凡庸之主伊可虜
寸明有不周事非所事求非所求惟此帝謨想夫仙
道魚處重淵獸居茂草辨乎朝市別以林泉日由旦
陸月麗宵天跡旣雨分理難齊克若死將生猶南與

北食臣王公鞅掌者可以勤萬機欲升汗漫逍遙者
可以爲匹夫愛深宮秘殿者可以垂旒纒好青山綠
水者可以棲江湖飲露參腥激流貫都苟能同致實
曰殊途堯舜曰聖由晉匪愚確乎守一亦以難俱况
乎小人唯唯罔圖山水君子乾乾孰爲神仙嗚呼哀
哉前監孔彰高臺深池夫差以戕尋山越海嬴政其
亡有一於此未或無殃胡爲不辰互窮厥方舟全虎
臂車出羊腸已臨隧炭幾絕苞桑反覆前聞痛心疾
首藥石無人瑾瑜有垢暑來寒往時移代久古壟將
頽惡聲不朽日臨宇宙有時而虧目覩毫釐或不見
皆將爲而不知復知而故爲嗚呼噫嘻本集

卷二十五

六

案此文據明刊本歐陽行周集與李觀所作字句
不同

于方

方元和中秘書省校書郎

唐裴氏子墓誌銘

有唐故侍御史裴公諱琚知京北饋饘時夏州連帥
韓全義以王命討淮夷不剋歸鎮德宗期孟明於異
口釋而不問疑懼之甚而意端公焉遂有青蠅之閒
白圭成玷貞元十七年竟貶崖州澄邁縣尉至廿年

十一月終於南海明年靈輻北歸至襄陽夫人史氏在焉我之出也有一子曰承章聰勤遊藝精敏工文幼學之年迨成人矣而志慕賢才心尚善道人之所保不居過地可謂令子矣年十八娶扶風竇氏父瑞余之從祖姑之子七歲以孝廉登名太常文詞學業衣冠名表而四五十遽歸泉裏孤女藐然歸于承章承章之事親也孜孜孝敬親之念承章也慈愛亦過至於跬步之間不見不得去年端公凶計遠到襄陽承章哀號幾滅天性將奔迎焉親以其怯弱懼其毀也止而不許及護靈車由東洛將歸京師在路遭

卷二十五

九

疾若輕而未遽其及也至永甯竟終焉春秋廿矣殆及屬續精神分明辟母別妻意緒哀恨所謂天難忱命靡忱善人而及顏子其如斯乎太夫人哀念愈痛晝夜叫呼殆將不勝以元和元年四月將柩至城其年十一月廿六日歸葬于城南陪先父之塋禮也雖其未祿功德不被於人民而施於有正孝友已及於親戚於此傷悼彌可以銘乃作銘曰

積善之家必有餘慶端公之仁有子之令其令維何孝悌恭和孝悌而及天命如何佳城鬱鬱松栢森羅

年年孤月空此經過

續語堂碑錄

劉禹錫

全唐文五百九十九有傳

全唐擬門下侍郎平章事制

門下天地至大任四時以成功元首雖尊託三台而
佐理况外居黃閣入奏青蒲夤亮王猷緝熙帝載以
相予位以安兆人必有夢卜之期式重將明之職求
其具位果獲良臣文苑英華四百四十九擬中書侍郎平章事制

按此文見文苑英華題劉禹錫名今存其目

裴次元

卷二十五

全唐文六百十一有傳

京畿等縣不置員外試官奏

神州務劇官僚先多更置員外試官於事頗為繁冗
京縣近有此色天恩已令卽停猶恐選曹更有注擬
望請當府及京畿等縣自今已後一切不置員外試
官唐會要六十七

楊嗣復

全唐文六百十一有傳

蜀武侯祠堂碑陰題記

子以元和初為臨淮公從事因陪刻石時序桂染二

十有七年今謬膺戎寄口繼前烈謁拜祠宇顧瞻斯
文省躬懷舊不勝感幸

金石苑

崔羣字全唐文六百十二有傳與張氏爭財奏

全唐文六百十二有傳與張氏爭財奏

諫議大夫前時亦有拔自山林然起於卑位者其例

則少用皆有由或道德章明不求聞達或材行卓異

出於等倫以此選求實愜公議其或事跡未著恩由

一時雖有例超升皆時論非允張宿本非文詞入用

望實稍輕臣等所以累有奏請依資且與郎中事貴

卷二十五

三

適中非於此人有濃厚耳

唐會要卷四十五

一和遂王正位青宮奏

大凡已合當之則有陳讓之義若不合當因何遽有

讓表今遂王嫡子長所宜正位青宮

唐會要卷四十五

寶羣字全唐文六百十二有傳

全唐文六百十二有傳

全唐文六百十二有傳

張氏以子儀在時分財子弟不合爭奪然張氏宅與

親仁宅皆子儀家事子儀素有大勲伏望陛下特赦

而勿問使私自退省

唐會要卷四十五

常參五品官請假奏

常參官假滿惟三品官至王府傅已上即於正衙參
假其餘不在此限臣伏見諸司官或位列通班職居
要劇其左右丞諸司侍郎御史中丞給事申中書舍
人並是四品五品清要官不在參假例或彌旬曠廢
皆不上聞或未滿一日例不舉奏臣今請尙書省四
品官御史臺五品官中書門下五品官請假並同三
品例參假曠廢必知勤惰無隱臣職當彈舉輒陳事
宜唐會要
六十

卷二十五

三

宜
品官
晉
人
要
其
參
請
奏

唐文拾遺卷之二十六

榮祿大夫三品頂戴前分巡廣東高廉道加四級臣陸心源輯

武少儀

全唐文六百十三有傳

請明示何竦曹壽罪狀奏

太學生何竦曹壽等今月十四日有兩人稱神威軍官健本軍奉進止令追其人亦不言姓名緣神威是禁軍稱奉進止所由不敢隨去臣亦不敢牒問經今二日更不見迴官臣伏以何竦曹壽等學生之中素無異迹皆勤藝業臣職在監臨頗所請委察訪遊處

卷二十六

一

不涉非違今忽被軍中騷收恐橫被誣誤太學生胄多來自遠方自見追此二人不知其故咸聞驚懼莫敢保安何竦等儻情理難容伏乞明示罪狀加以刑法如或枉遭誣執伏計必盡其辭冀無濫罰人知懲警臣謬當承乏職領生徒令其干犯國章敢逃其責

册府六

百四

全唐文

六百十三有傳

全唐文六百十三有傳

唐故朝散大夫秘書省著作郎致仕京兆韋公

唐元和十四年三月廿三日公棄背于長安新昌里私第享壽八十有三嗣子縝洎系練紆絢哀號于天毀未敢死乃稽先王卜兆之義以明年五月一日奉遷靈座祔于萬年縣洪固鄉畢原先太夫人太原王氏之塋焉縝等咸以公潛耀道德不求顯著他人論議未能盡美盍自志之公諱端字正禮五代祖孝元後周大司空鄆襄公高祖津隋民部尙書曾祖琬皇成州刺史贈禮部尙書祖季弼太僕寺主簿烈考廉尙書庫部郎中自鄆襄公以盛業洪伐延耀後嗣以至于郎中茂纘其德口官壽不至士大夫到于今

卷二十六

二

嗟稱之公卽郎中第二子也體苞元精天付全德孝友忠信莫匪生知以古之賢選有保身遺口口降其志不辱其身之道莫不洞與心契歸於一揆故常以恬曠自適怡攝爲宗是以家人忘貧位不稱德官歷率更寺主簿下邳縣主簿下邳陽翟二縣丞國子監主簿凡五仕三爲色養爲孤幼皆非公之志也自是之後蕭然杜門淮夷削平之明年皇帝存宥天下方弘孝理詔百辟父母存有顯擢歿有褒贈時縝爲工部郎中由是拜公朝散大夫秘書省著作郎致仕先太夫人追贈臨汾縣太君時謂公之義方縝之顯揚

斯爲至矣太夫人曾祖諱子眞皇襄州錄事參軍祖
怡河南尹東都留守考毗昭應縣尉太夫人生令族
德門稟柔明淵懿脩睦婦道裁成母訓輔佐君子踰
廿年所以敬養先姑無違尤慈幼惠下無怨悔縝等
不孝祿養未及禍罰已鍾而外族淪替靡所依倚是
以霜露怵惕有加罔極之痛焉以貞元六年奉安宅
兆至是益耐嗚呼蒼天縝工部郎中系陽翟縣尉練
鄉貢進士紆兼殿中侍御史徇前太廟齋郎紆頑闇
不類哀敬不文泣血書石以寘泉隧

石刻

鄭澣

卷二十六

三

全唐文六百十四有傳

唐故同州司兵參軍上柱國京兆杜府君墓誌

銘并序

嗚呼士君子表於代而列於薦紳靡間言由己之仁
義是以而又繕性於和體道於仁遵坦衢泳天爵獨
稟貞厚與令名相終始雖位壽或舛人且許之爲達
矣公諱行方字友直京兆杜陵人也曾祖諱元志杭
州刺史王父諱參謨陝州司倉贈禮部郎中烈考諱
倫文術政事爲時龜玉異時選部第書判明廷策賢
良皆登甲科價壓公論歷憲闈郎署而後出分符竹

公卽澧州府君之長子弱冠遊國庠以明經擢第釋
褐任右司禦率府胄曹參軍久之從調授同州澄城
縣丞三改秩至左馮翊司兵掾以太和七年秋七月
十二日啟手足于上都昇平里之私第享齡六十問
於龜策得十一月甲寅吉乃卜窆于萬年縣龍首鄉
龍首原夫人滎陽鄭氏祔焉夫人試秘書省校書郎
稱之第二女操順淑朗先公十年而歿有子五人頴
顥顥頥其幼小字曰老老女子二人皆柴立致毀
弔寶爲之反袂公平生於分義最明四方名人洎中
外族昆弟其或旅食靈臺求選京師懽然授館改星

卷二十六

四

霜無倦色閑探百家之言賦詩什頗道麗奄

缺四人字

以命不可說相唁漸知公之事烈詳熟雪涕識口

而銘之其銘曰

上缺四字昭令圖陰隲難詰兮或隆或污精金不試兮

良玉不沽清風可挹兮白日西徂野雲屯兮蘊草蕪

永矣潛寐兮國城東隅

古誌石華

李應

全唐文六百十五有傳

按應元和中自戶部郎中授湖州刺史遷蘇州

請許百姓自酤奏

先是官酤代百姓納榷歲月既久爲弊滋深伏望許

令百姓自酤取登舊額仍許入兩稅隨買均出依舊

例折納輕貨送上都册府五十四

王播

全唐文六百十五有傳

權鹽利付度支奏

應管江淮兗鄆等鹽院元和七年計收鹽錢六百八十七萬四千四百貫比未改法已前舊鹽利總約時價四倍加擡計成虛錢一千二百一十七萬九千貫其二百一十八萬六千三百貫糶鹽本其一千四百九十九萬二千六百貫充權利請以利付度支收管

卷二十六

五

册府四百九十三

糶鹽加價奏

揚州白沙兩處納權場請依舊爲院又請諸鹽院糶鹽付商人請每斗加五十文通舊二百文價諸道處煎鹽場停置小鋪糶鹽每斗加二十文通舊一百九

十文價唐會要八十八

御史在任減月轉準奏

監察御史舊例在任二十五月轉準具員不加今請仍舊殿中侍御史舊例在任十三月轉準具員加至十八月今請減至十五月侍御史舊例在任十月轉

準具員加至十三月今請減至十月

唐會要卷六十

鹽戶不許追擾奏

應管煎鹽戶及鹽商并諸鹽院停場官吏所由等前
後制勅除兩稅外不許差役追擾今請更有違越者
縣令奏聞貶黜刺史罰二季俸錢再犯者奏聽進止

唐會要八十八

孟簡

全唐文六百十六有傳

常平義倉州縣得專奏

天下州府常平義倉等斛斛請準舊例減估出糶但

卷二十六

六

以石數奏申有司更不收管州縣得專以利百姓

唐會要八十八

裴埶

全唐文六百十六有傳

史館修撰一人判館奏

史館請登朝官入館者並為修撰非登朝並為直館
修撰中以一人官高者判館事其餘名目並請不置
仍承為常式

唐會要六十三

李逢吉

全唐文六百十六有傳

祭天地社稷用樂如舊奏

昊天上帝五方上帝皇地祇神州社稷之祀謹按禮記喪三年不祭惟祭天地社稷按周禮及開元禮圜鍾之均六變天神皆降林鍾之均八變地祇皆出謹按不廢天地之祭謂不敢以卑廢尊也將祭必作樂者所以降神也苟有所闕則祭不成禮伏請準元和元年二月勅用樂如舊三年之內不祭宗廟由陵祔廟後四時饗祀如式

唐會要

卷一百一十三

張濛

唐文六百十七有傳

卷二十六

七

具賜爵例奏

伏准貞元元年十一月制三品已上賜爵一級四品已下加一階者臣謹詳制旨本以三品已上其階已貴故賜爵四品以下其階未貴故加階伏緣請條不標所限司封據品通取職官其有官是三品已上階是四品已下者遂以階敘階又以官敘階爵比於官階等者受賜偏優臣欲准狀覆成則慮於比濫檢條破格復無以依憑官既隨用則遷階乃累考方至泛恩敘爵理合從階若許兼約職官伏恐競爲覬侍臣今謹具賜爵例如前望爲永式

唐會要
八十一

段文昌

全唐文六百十七有傳

秋氣帖

總不得書何為如此秋氣稍冷不知當如何也有華

消息可報委曲十四日報寶真齋法書贊

陸淳

全唐文六百十八有傳

祀武成王議

臣聞統天下者禮法也救天下者權數也拯難者常

以權變禮以數易法有國者則尚德而賤數尊卑而

卷二十六

八

晦權何者禮法行則人安其分而務于修身權數聘

則人思變常而務于苟得安其分理之源也思變常

亂之本也故救一時之弊者事不可貽于將來法垂

萬祀者道不必行于當代竊以武成王殷臣也見紂

之虐不能諫之而佐武王以傾之于周卽社稷之臣

矣于殷謂之何人哉不然者何其效拯橫流業授役

賞孔聖片言以褒之議知神化樹勛猷宗伯周書無

篇以紀之豈不以其事不可傳言不可訓耶且夫尊

其道者必師其人師其人必尙其行使天下之人入

是廟也登是堂也稽其人可以見師思其道所由至

法則俾夫立節死義之士安所措其心乎聖人所以宗堯舜賢夷齊不法桓文不贊伊呂先之以敬讓遵之以禮樂蓋謂此也况文武之道非二宗猶天地之有陰陽時日之有晝夜相依而立相須而成故王者之制因比而爲伍因伍而爲鄉因鄉爲軍鄉有六故置六卿居常可以理人有難足以應敵閭長黨正卽率五焉師師卽大夫焉下建立皆遵其制故將將卽正卿也執人病卽元帥也暨乎戰國陵夷王道蕩卽成于二取不顧典刑遂有孫吳之口畧興起剪之才用文武之事异將相之職分蓋基于此始也今聖上

卷二十六

纂祖宗之鴻猷建中興之盛業方將口頹波于千古垂格言于後昆猶使武成之名與文宣爲偶權數之畧與道德齊衡恐非不刊之典臣愚謂宜罷上元追封立廟之制依貞觀于磻溪置祠有司以時享奠斯得禮之正也

大唐郊祀錄十

大案全文六百十八所收與此不同

李道古

道古嗣曹王臯子舉進士擢校書郎集賢院學士歷利隨唐睦四州刺史代柳公綽鎮鄂岳召爲宗正卿以薦所善柳泌斥爲循州司馬終以服丹歐血死

睦州大廳記

任地列封有國之恒制張官考績王者之大轡故監
部分刺世官爲重秦漢之來也隋新定郡武德四年
改爲睦州嘗析桐廬爲嚴州復爲東睦州尋併爲屬
邑領縣六建德桐廬清溪分水遂安壽昌幅員一千
二百里大山經川陵陸畏壘居七十萑蒲斥澤田植
之壤居十二其餘中田小畝之數一農夫而食十人
官或旁詔殘以漁利單戶危鄉歲虛籍計肆朝廷難
其任也泊于山峻二江合會之勢龍門疏鑿矣輟轅
東扼矣丹巘闊聳遠通海水巖險呀豁斗絕鄰部士

卷二十六

十

族豪家望走洞穴刑理不直或頓機網故郡其新定
州其睦若日親敬大化其封也自國家有兵甲之費
不實內府經用所入浙右重於江淮茲郡重於它郡
加以鐵官鹽策盡服其籍調租過於太半自息而應
征蓋所以天不奪時人無其力也前時茲郡多命德
賢風化所寢父兄成教君子爲之斯可一變而至於
道也始自永徽仰書名氏森然在列以識遷授元和
七年甲子歲記具錄累代刺史名銜除授年代如後

嚴陵
集

張西岳

西岳元和時人

銅山湖記

粵有銅山湖者卽我南陽葉侯宇再榮之所建也頃因皇唐元和始載江左允膺民人歎絕之次我葉侯而獨怡然所怡者蓋由心能遠慮廩有積粟旁觀衆餒之輩而無宿備者矣遂謂鄉人曰沒者已沒存者須存豈不見銅山之北谷嶺之陽左巒右隴之內仍有寶泉一眼水涿涿而涌氣炯炯而吐磨砂旋歐騰汨汨無冬無夏不減不縮四顧平仰迴合堅貯實可以爲湖者哉然君子所居必有隣焉德鄰者誰與卽

卷二十六

七

有下邳余鼎鄉尹黃芝童雲等數人智計相亞皆以道同意合俱時響應起元和二載歲次丁亥二月旬有二日下手築捺月纔半而功畢畢功之日清波溢岸汎羃羃之晴煙澄彎彎之曙月植戶四十溉田三頃平深一丈已上周迴四百餘步可謂形穿鏡範圍瀉虹規鵠鳴弄影兮乙項鷓鴣登翼兮倅背春藻未生瀉天形而淨盡夜風纔息點星彩而無遺倒疊山光則林花笑底翻鋪雲影則玉葉捍心就知變化由人澄虛在水旣得東塘永固而南畝無憂汪洋雖小於鏡湖運智而深於太守乃恐代之遷變後來者不

知前之所能僕雖不才聊述湖主之言而爲記之

越中

金石記

崔歸美

歸美元和中鄉貢進士

唐故文貞公會孫故穀城縣令張公墓誌銘

并序

公諱曠字繼明范陽方城人也漢功臣留侯之後五代祖策梁岳陽王諮議參軍贈持節蔡州諸軍事蔡州刺史諮議生玠爲周宣納上士隋巴州錄事參軍參軍生則隋比陽禮陽二縣令高祖立弼唐長安縣尉益府功曹參軍贈都督安隨沔郢四州諸軍事安

卷二一六

七

州刺史曾祖柬之故特進中書令監修國史上柱國漢陽郡王贈司徒配享中宗庭廟祖名嶧高道不仕考諱愿皇駕部郎中曹婺等十一州刺史吳郡太守兼江南東道廿四州採訪黜陟使自岳陽至于採訪皆累葉重光奕世載德或補天之績或黜陟幽明嘉祉未泯遂生我公公卽採訪之第八子也起家以門蔭解褐補太常寺奉禮郎旋授左武衛兵曹參軍貞元中皇帝追先帝舊臣子孫以荅功績遂進補右神武軍錄事參軍在昔高宗外戚擅權密構神器滔天之禍如火燎原區宇版蕩上燧下躡荆棘道路人思

息肩天未移運碣降元老洎產祿潰計皇綱荐紱鯨
鯢曝鯉祥慶委積公竟以非罪中禍謫竄遐裔景公
干駟無德而稱夷齊首陽萬古嘉歎公嘗念先祖有
大功於國寵被一門裂土分茅綸翰盈篋身歿之後
名溢篋然決意挺行懷表詣闕志誠幽贊達于聰明
匍匐雪涕帝用增歎廼降明詔自宰臣已下集議行
跡諡爲文貞五王同時賴公之力也朝廷嘉其憤激
抗表極論可謂孝子孝孫弓裘不墜遂特授襄州穀
城縣令其在邑也彈琴靜理高視雲水仁以變俗德
以臨下吏不敢欺盜不犯境舉直措枉黔首欽服西

卷二十六

三

門在鄴子產治鄭幾不若也辭袂之日寮吏色沮遮
車固留公久想故園去如脫屣思與白雲長往採蕨
家山類鴻鵠之在冥同騏驥之解絆不幸因疾纏綿
不起以元和八年六月十九日歿于私第嗚呼上天
不惠殲我良士聞者交涕舊邑罷市豈不以仁於斯
德於斯公享年六十七以其年十一月廿三日祔于
大塋禮也冢子珣先於公一年而卒次子瑀瑑璟等
銜哀泣血而言曰桑田有變陵谷遷改若無旌識何
以號訪請刊貞石銘以誌之余以子聳之情授簡而
退敢爲銘曰

文貞之孫採訪之子洎于我公令問不已其德如山
其晷如蘭久而彌芳萬古不刊

石刻

邵仲方

仲方元和中將仕郎試太常寺奉禮郎飛騎尉

唐故元從奉天定難功臣游擊將軍守冀王府

右親事典軍上柱國勒留堂頭高平郡邵公

墓誌銘 并序

夫生滅之相貫于天地盛衰之門業推而化故期生
誠榮祿奄歿幽泉机茲褒嚮之靈刻石於元扃之記
典軍諱才志字元甫望出高平萬年縣人也曾諱慶

卷二十六

古

皇不仕祖諱儀皇不仕父諱明皇任昭武校尉守恭
王府左帳內副典軍上柱國賜緋魚袋公卽長男也
立身從仕卅餘年自建中四年癸未歲朱泚寇逆陷
破城墀執持堂印隨駕奉天重圍之內苦歷艱危克
復之時功勲崇獎遂遷五品職佐台堦累序勲勞歷
更九任勤劾幹蠹靡資台鼎孝奉家慶之休廉謹風
猷之德遂至元和十四年八月廿七日薨遇朋友酒
筵至夜有司糺劾以達聖聰詔下書刑貶於坊鎮又
遭寒熱伏枕數旬有嗣子全亮儒直奉孝過於孟孫
悲泣跪藥甚於韓伯孤妻張氏親看扶舉洗滌哺食

食不知味寢不求安弟曰才應官任清資職司樞密
朝入公門暮歸奉孝恭敬悲念乳藥哺食在處求醫
藥餌無效豈期壽限將畢大願不從時年春秋五十
有五至元和十四年己亥歲九月廿七日終於坊州
館舍嗣子等號天泣血聲一舉兮三絕女及於姪新
婦等感悲慟哭傷痛四隣卜筮有期至其年十一月
十六日舉葬于長安縣承平鄉史劉村附先代塋之
禮也仲方素諳有德乃述其詞銘曰

典軍功効安國理民重圍之內印信奉陳光榮先祖
忠直事君孝義奉母哭竹求辛身敗四時久疾瘦羸

卷二十六

五

醫藥無愈奄有云亡魂歸逝水形影無光幽扃悄悄
歸於北邙筠風吹竹悲聲白揚年年松柏空嚮泉堂

續語堂
碑錄

沈超

超吳興人元和中攝魏成縣令前守巴州盤道縣令

崔文公魏成縣靈泉記述

崔司業融當久視元年莅斯邑也刻靈泉記於此巨
石焉迨今正百年矣人莫得知超以公務之餘覽盧
公照隣放生池碑於西墅有好事者大梁文縱曰昔
崔文公有記存於石堂觀焉遂不俟車馬蹶然而至

薙離披之蔓草，鏟狎獵之封苔。烏跡依然，匪磨匪磷。嗟乎！以公之德而發跡於斯，以公之文而翳薈於此。百年已降，後進君子曾不稱之者，歟！超叨承下風，祇訪高躅，寓目增慨。臨文永懷，不腆之詞，輒紀其年月。云爾。元和四年歲次己丑三月三日，攝令沈超記。石苑。

王鉅

鉅元和時人，鄭州滎澤縣尉。

按與天祐中知制誥王鉅疑別

唐故河東裴公墓誌銘

并敘

公諱昌字仲達，其先河東人也。保姓受氏，其來遠矣。

卷二十六

六

洎永嘉之年，衣冠南渡。風流遺烈，代有其人。禮樂摛紳，顯于家謀。曾祖元凱，祖明達，父仁安，並徽懿盛才。昭振前列，望高族茂。勲華貫時，公卽府君之第二子也。稟滄和之性，有堅貞之操。以德行立身，以仁信交友。志尙閑逸，不以祿利爲榮。是以不屈節折腰，耽玩琴史，實朋執之龜龍。仁物之衡鏡，隱淪混跡，洞達窮通道在其中矣。於戲！有至行不享其福壽者，其斯之謂歟！以元和十五年正月十七日，遇疾終於長沙郡湘潭縣之江次。享年八十五。嗚呼！夫德立而人世不稱，行成而幽靈無報。短長之制，命耶！以先塋松柏陪

葬尙賒禮許從權乃於上元縣鳳臺鄉梅頂岡之東北原別建兆域以其年八月二日權窆焉從吉兆也夫人吳郡朱氏淑慎忠厚行成閨門內政有敷義光詩史有子五人長曰興次曰幹次曰超次曰孚詩禮垂訓教及義方識度自然哀不逾禮幼子曰祐先公而亡有女二人長適彭叔雅次適蔣幹皆蓄令德事舅姑有聞蔣氏愛女早謝浮榮亦先公而卒令子慮陵谷遷變見託斯文採摭行能勒銘貞石其詞曰

於惟裴公凜然循德在醜不爭惟人是則樂天知命道達通塞栖心雲水處事寂默泐漢沂江東西南北

卷二十六

七

其一天胡不惠哲人其萎大樸已散清風不歸丹旆翩

翩新隴巍巍泉門一閉與此山垂

其二古刻叢鈔

李洎

洎雍王房六世孫營田判官前殿中侍御史內供奉又官司封郎中見郎官石柱題名

高涼泉記

魏成縣南五里有長嶺雖岷峨支派似無他異其陽崖產高松涼泉夏不知暑其陰竇藏靈境怪石人未之造攝令吳興沈君超好古之士爲政之暇冥搜得之異日子乘輅一來沈君謂子曰山無泉不靈泉非

山不清然則凡嶺突兀雖大而頑汚池淪漣雖廣必
泥良不并也我有奇曠子能覲之乎子齋誠以往果
有所駭其始至也則風於一山玉溜潺湲衆籟成吟
笙竽匪禁登之洗然如謁羣仙心意自殊若與道俱
橫石如隕匪鑿匪鑿傍架絕壑根山不落上磨曾霄
屹然岩岩其間可俯而入焉則空洞博敞如堂如室
苔駮古狀奇怪生妍誰開混元益偉造物然則始知
夫山林獨往之士一丘自足窮年忘歸亦何必察耕
父於清冷送白日於昧谷然後爲異也傍得舊銘隱
磷餘字卽久視元年崔司業融首莅茲邑高禱有禱

卷二十六

六

刻石斯存地繇古觀廢非一祀沈君必將復其層構
招置道流以識前修且彰今躅漁陽李洛客評之曰
夫躁靜根性興廢繇人昔工明與孔聖同好惡今吳
興發文公之勝槩恬智之域若合符然矧沈之力政
嗜學實希曩哲斯境也適丁斯時爲不朽矣後之好
事者亦奚必陋今而榮古哉元和四年閏三月十二

日記

金石苑

劉士舉

士舉元和時人

唐故彭城劉府君墓誌銘

并序

府君諱通其先彭城郡人也家承漢緒德襲堯風門
稱碩儒世躡高位父諱滔養真不仕處順而安唯道
是從居簡無悔靈鑒豈惑慶流不私况府君性口天
姿幼沐庭訓式備詩禮之義克修敬慎之容口惟睦
親謙以和衆豈在遐邇其誰不瞻奚圖上天止賦中
壽奄折梁木旋萎哲人以元和八年九月十日終於
揚州江陽縣崇儒坊之私第享齡七十矣夫人清河
張氏蟾宮降德虺夢膺祥聲華旣芳容範增肅鳳唱
斯洽龍光奄分離魂九昇衣臨三絕男一人名士舉
恭惟四德言念孝思爰自執喪毀過常制泣奉龜策
將謀所安人神叶心靈兆彰吉以其年十月十八日
丁酉躬護喪輓安厝於江陽縣嘉寧鄉五乍村之原
禮也恐陵谷有變乃刻石紀德銘曰

漫漫豐谷霏霏楊雲盛德不亡逮生府君智實天假
學如素聞光景莫留英靈已分奄卜五乍屹爲一墳
川水夜流松煙晝昏空有書劍傳於子孫

石刻

唐故南陽張夫人墓誌銘

并序

夫人張氏其先陳留郡開封縣人也今標時望移家
淮楚今遂揚州江陽縣人矣曾祖峴處性廉儒風規
可則門標仁孝名立其德祖潛風雲稟性忠孝立身

能混於世居然自真父治運務忠幹奉公克勲才聞
入座位參孔隣夫人卽公之第三女也三儀遠著五
德流鄉意能柔順貞明內儀纔始登笄旋歸彭城劉
氏自結秦晉無虧婦禮舉按之風入室綢繆豈絕恭
姜之禮夫人承大家之餘訓受母師之典教何圖天
奪斯壽魂魄上昇體掩泉門歸于逝水粵以元和元
年八月六日奄終于江陽崇儒坊之私第享年卅有
九夫人育子一人曰士舉夙承雅訓早著令名哀號
泣血哭踊無聲卽以其月廿五日窆于嘉寧鄉五乍
村禮也故刻茲貞石永爲記之銘曰

卷二十六

三

皇天不仁殲我慈母浮雲往來清魂何去不見慈顏
空悲風樹灑淚灑血朝朝暮暮

石刻

唐文拾遺卷之二十七

榮祿大夫三品頂戴前分巡廣東高廉道加四級臣陸心源輯
景審

審南陽人元和中試太常寺奉禮郎工作詩留心翰
墨

一切經音義序

昔者素王設教著十翼而通陰陽玄帝談經演二篇
而明道德豈能仁出代獨步迦維會三乘於鷲峰轉
四輪於鹿苑絲是有半滿之字敷貫散之花因緇客
而西至驅白馬以東邁是知不無不有掩蔽邪徒卽

卷二十七

色卽空甄明正道於是慧雲蓄潤垂瓊璣而蔭羣氓
法雨含滋散空濛而霑眾艸斯之功利不可勝言大
矣哉覺皇之爲教也若乃書之貝葉編諸海藏結集
由飲光之心文義宣慶喜之口流傳此土七百餘年
至於文字或難偏傍有誤書籍之所不載聲音之所
未聞或俗體無憑或梵言存本不有音義誠難究諸
欲使坐得明師立聞精誼就學無勞於負笈請益詎
假於摳衣所以一十二音宣于涅槃奧典四十二字
載乎花嚴真經十二音是翻梵字之聲勢也舊云十
四音誤也又有三十四字名爲字母
每字以十二音翻之遂成四百八字其相乘轉成
一十八章名曰悉談如新涅槃經音義中廣明矣故

曰無離文字解脫也暨國朝初有沙門玄應孤標生知獨運先覺明唐梵異語識古今奇字撰一切經音義一部凡二十五卷可以貽諸後進光彼先賢作彼所之津梁涉法門之鍵鑰次有沙門慧苑撰新譯華嚴音義二卷竝編於開元釋教錄然以後譯經論及先所未音者至於披讀講解文謬誼乖得失疑滯寡聞孤陋莫有微通多見強識罕能盡究然而自傲之輩恥下問而不求匿好之流去深知而不答則聖言有阻能無悲焉有大興善寺慧琳法師者姓裴氏疎勒國人也則大廣知不空三藏之弟子矣內精密教

卷二十七

二

入於總持之門外究墨流研乎文字之粹印度聲明之妙支那音韻之精旣瓶受於先師亦泉瀉於後學鞞譯迴綴參於上音師撥其闕遺歎其病惑覽茲羣經纂彼詁訓然則古來音反多以傍紐而爲雙聲始自般虔元無定旨吳音與秦音莫辨清韻與濁韻難明至如武與綿爲雙聲企以智爲疊韻若斯之類蓋所不取近有元庭堅韻英及張戩考聲切韻今之所音取則於此大略以七家字書釋誼七書謂玉篇說文文字林字統古今正文字字典說開元文字音義七書不該百字咸討又訓解之末兼辯六書庶因此而識彼聞一以知十師二十餘載

傷求典籍備討經論孜孜不倦修緝爲務以建中末年
朔製至元和二祀方就凡一百軸具釋衆經始於大
般若終於護命法總一千三百部五千七百餘卷舊
兩家音義合而次之標名爲異兩家謂玄應慧苑等浩然如海
吞衆流以成深皎兮若鏡照羣物以無勸元和十二
年二月三十日絕筆於西明寺焉審以頗好文字擇
善從之許爲不請之師自媿未成之器因啟其卷乃
告厥功謬以微才叙之云爾

東洋刊慧琳一切經音義

李遊

遊元和十三年京兆尹

卷二十七

三

處分官徒奏

諸司使諸軍所由官徒等共九十四人挾名伏檢元
和二年三月敕並委京兆府比從十年更無逃亡補
替等處遂使影占文牒散在村坊凡欲差役皆無憑
據臣祈請諸司案舊名額自元和二年其逃亡補替
挾名鄉縣牒臣當府令別與左右神策金吾軍伏乞
聖慈一例處分庶明區別永久有常

唐會要七十二

杜英策

英策元和四年爲安南都知兵馬使兼押衙安南副
都護

舉張舟政蹟狀

舉本管經略招討處置等使兼安南都護張舟到任已來政績事安南羅城先是經略使伯夷築當時百姓猶甚陸梁纜高數尺又甚湫隘自張舟到任因農隙之後奏請新築今城高二丈二尺都開三門各有樓其東西門各三間其南門五間更置鼓角城內造左右隨身十營前經略使裴泰時驩愛城池被環王岷崙燒燬並盡自張舟到任後前年築驩州城去年築愛州城裴泰時軍城不守軍中器械卻失並盡趙昌到任日近旋除廣州自張舟到任諸道求市每月造成器械八千事四年以來都計造成四十餘萬事於大廳左右起甲仗樓四十間收貯安南戎寇難利鬪戰先有戰船不遇十數隻又甚遲鈍與賊船不過相接張舟自創新意造艨艟舟四百餘隻每船戰手二十五人掉手三十二人車弩一支兩弓弩一支掉出船內迴船向背皆疾如飛

唐會要
七十二

李鄠

鄠字建侯邕從孫第進士補祕書省正字擢累吏部員外郎進御史中丞憲宗初由河東節度召拜門下侍郎同平章事以太子少傅致仕卒諡曰肅

停高陵等四縣烽子奏

三原高陵涇陽興平等四縣兵管烽二十八所每年差烽子計九百七十五人遠近無虞畿內烽燧請停

唐會要七十二

崔直

直元和中爲御史中丞

知彈御史被彈待罪奏

元和十二年御史臺奏請知彈侍御史被彈卽請向
下人承次監奏或有不到卽殿中侍御史於侍御史
下立以備其闕臣伏以朝官入閣失儀知彈侍御史

卷二十七

五

合彈奏錯失向下侍御史及中丞大夫遞相彈奏事
後入本班候監奏出閣然後合侍御史待罪此乃殿廷
舊制於事爲宜今若移一殿中放彈御史之下以防
向上失錯或殿中自錯則擬更立何人向下監奏繫
於瞬息只合知彈侍御史便了不必別差殿中旣乖
故實終慮駁雜伏請自今已後卻依閣內故事縱知
彈侍御自有錯失不被彈奏候班退監奏畢然後出
待罪冀從易便永可遵行

唐會要六十二

鄭元修

元修元和三年爲京兆尹

命婦喪葬節制奏

王公士庶喪葬節制一品二品三品爲一等四品五品爲一等六品至九品爲一等凡命婦各准本品如夫子官高聽從夫子其無邑號者准夫子品蔭子孫未有官者降損有差其凶器悉請以瓦木爲之

唐會要三

十

皇甫鏞

鏞臨涇人貞元初第進士歷吏部郎中遷司農卿時方伐蔡急於用度鏞嚴辦濟師帝悅遂同中書門下平章事巧媚自固以薦柳泌穆宗立貶崖州司戶參

軍死其所

卷二十七

六

權借外命婦院置官典院奏

舊例平章事判度支並中書省借闕官廳置院臣以爲事體非便今請權借外命婦院內舍十數間隔截置官典院又舊例置郎官二人於中書判案人中差定并量抽官典七人隨官勾檢文案伏以臣職在中書務兼司計錢穀事重須自躬親臣今酌量簡要並自判抽其餘尋常公事各有本判即官今依條流勾當處置臣仍請每月二度候中書事簡入南省

唐會要五

三

命婦喪葬節制奏

竇易直

易直字宗元始平人明經擢第補校書郎元和六年進御史中丞觀察浙西入爲戶部侍郎同平章事封晉陽郡公卒贈司徒諡曰恭惠

詳議僕射答拜儀注奏

臣謹案唐禮諸冊拜官與百僚相見無受拜之文又諫議大夫至拾遺御史中丞至殿中侍御史並爲供奉官不合異禮今僕射初上之日或答拜階上台拜庭中因循踏駁之制每致沸騰之議伏請下尙書太常禮院詳議永爲定制使得遵行

唐會要五十七

卷二十七

七

劉遵古

遵古元和四年任監察御史

太廟五享攝祭差三公奏

太廟五享攝祭三公等伏准開元二十五年七月八日勅每至五饗之日應攝三公令中書門下及丞相師傅尙書御史兼嗣郡王擇德望高者通攝諸司不在差限者伏以太廟攝祭公卿准勅令先差僕射尙書及師傅等如無此色官亦合次差諸司三品比來吏部因循不守勅文用人稍輕伏請起今年冬季已後勅吏部准勅差定如僕射尙書等闕卽差京師三

品職事官充唐會要十八

王源中

源中字正蒙累遷左補闕轉戶部郎中侍郎擢翰林承旨學士出爲山南西道節度使人拜刑部侍郎卒
罪犯歸有司奏

夫臺憲者綱紀之地府縣者責成之所設有罪犯宜
歸有司安有北軍勢重於南衙輦下權傾于仗內乞
還法司庶平職分冊府元龜四
百五十九

陸庶

全唐文六百二十二有傳

卷二十一

八

爛柯山碑記

爛柯仙躡圖謀詳矣觀夫巨石橫空矯如驚龍翠岫
劃坼際於穹崇南走羣峰北控遐陸不遠人世宛如
蓬瀛得非權輿之初俾宅眞仙而幽贊人民脫籠檻
於茲地不然者擾擾塵跡瀟灑靈踪高步遐矚相瞬
而致則樵夫之遇二仙其所以示化與何元造無朕
而壺中之日月可得而窺矣庶牧於是邦迨茲五祀
政惟自守民亦安止乘春多暇爰契心期冥搜信宿
機慮如洗頽然性復於靜靜復於眞天地之萬類吾
生之憂樂將不介於胸中矣心境相傳不知吾之遇

靈境與靈境之遇吾與詩元和三年三月十八日

按此文據嘉靖衢州府志與全唐文所收畧有不

同

趙昂

全唐文六百二十二有傳

官左金吾衛倉曹參軍翰林院學士賜緋魚袋

故朝議郎行內侍省內寺伯上柱國劉府君墓

誌銘并序

公諱奉芝其先彭城人也著姓史策略而不書曾祖寶皇右領軍衛折衝都尉祖敬皇左衛果毅都尉父柱贈將作監公監之第二子夙奉嚴訓早聞詩禮謙

卷二十七

九

和仁厚履信資忠口不茹董心唯奉佛解褐拜內坊典直秩滿授內府局丞無何轉本局令尋遷內寺伯自出身事主廿餘年三命益恭四知尤慎言辭謹密體貌魁梧帶蓋十圍眉間一尺出入宮禁周遊里閭望之儼然真天子之近臣矣如何位不充器天不與年未及懸車忽焉就木以上元元年十二月十九日大漸于輔輿里之寢居時年六十五公素有通識不以夭壽嬰心故自卜龍首原用開塋域土周石棹將反本而歸真以今上元二年辛丑歲正月丁亥十一日丁酉與前夫人趙氏合祔而同穴安時處順不亦

禮歎嗣子景延庭倩等號天叩地泣血崩心充充有窮杖莫能起至於小大斂服塗車芻靈啟殯祖庭備物致用皆取制於右監門衛大將軍伯將軍自公之亡也悅如有失憂色慟容拊膺而哭曰天乎奈何不先罰於予而乃降禍於汝手足云斷心魂得安人有聞之知將軍之爲兄也仁矣昂學舊史氏書法不隱舉善無遺庶旌恭友之風以成褒貶之義銘曰

劉氏之子公山正禮白眉皆良伯仲一體同事昭代威儀濟濟□何爲乎奪我令弟能建生死自爲石室啟手知全長辭白日台葬非古周公已來哲婦早世

卷二十七

十

同歸夜臺舟壑忽遷孰知棄海睢公令名終古不改
刻石

呂溫

全唐文六百二十五有傳

唐故銀青光祿大夫京兆尹兼御史大夫上柱

國贈吏部尙書京兆韋公神道碑銘 并序

工之良者斧斤神運不離繩墨之內士之全者器用無方必歸忠孝之域若離繩與墨而廈屋立構大匠以爲妖也失忠與孝而功烈幸成君子以爲亂也除妖討亂獨立中道以人倫風俗爲己任吾聞其語而

見其人公姓韋氏諱武字某京兆杜陵人也其先命于商顯于漢蟬聯于晉魏之後或哲或謀或肅或艾大名大德大節大勲懸諸日月倅在圖史族姓之盛莫之與京曾祖皇朝金紫光祿大夫尙書左右僕射同中書門下三品諱待價致君皇極時憚其正祖銀青光祿大夫梁州都督諱令儀布化南夏民懷其惠父舉進士宏詞制策皆入殊科又判入高等累任畿赤名尉遷朝議大夫監察御史轉殿中御史侍御史尙書禮吏員外中書舍人給事中擢口禮吏戶三侍郎亦列名藩及列卿之清者時年四十九而薨然亦

卷二十七

十一

由不一其名字故家傳略而不盡也贈二部尙書諱鑑時方大用土痛其天公未免懷而孤六歲知慕每問居處几杖則失聲啼叫廢絕于地雲物與之變色烏鳥與之悲鳴况夫搢紳之履霜露者元中書載公之先執泣撫其首目爲孝治之瑞衣無兼綵食去鮮味若居喪者數歲年十一始以門第補右千牛厯京兆府參軍高陵櫟陽萬年三縣尉長安縣丞晝則遊刃吏事夜則服膺經籍循性爲學深於禮服願行爲文長於議論曾未壯齒鬱其老成顏太師眞卿蕭黃門復以雅道名節自居罕有及其門而皆與公爲忘

年之契由是振動於卿大夫閒擢爲太常博士草朝廷之儀大事不繁小事不略諡人之行褒者不德貶者不怨德宗西狩委室隨難除殿中侍御史執簡於亂兵之中顧指風生邦憲不撓皇輿反正猶踐舊職崔大夫縱雅相推重動靜咨度方表公爲侍御史副總臺務會戶部元侍郎琇董司漕運懼不克濟奏授公倉部員外郎充水陸轉運判官得公之謀而不能用與道進退義無淪胥稱疾杜門數月而元果敗朝野之論服其賢明尋轉禮部員外郎上方以戡復之慶親告郊廟大兵僅解百度各缺執事憂惑悉咨於

卷二十七

三

公公以變通之識酌于宜口備物約用禮成掌中羣司遵行罔或愆素屬刑畿艱食朝議敦本選臺閣之通理術者十人分宰大邑公與故相國鄭公珣瑜等同被推擇遂檢校本官兼昭應縣令時東后繼覲館無虛日王人急宣冠蓋相望縣道之弊昭應爲劇公內結信惠務穡勸芸而農不釋耒外運才敏儲費應卒而資不乏餽傳置如市田閭不知改遂州刺史郡中地狹江隘屋室駢接歲有潰決焚如之害公順勢疏壅峻其隄防而暴潦泄去申禁嚴備開其巷陌而流焰斷滅二十年閒水火無懼民到于今歌之召拜

戶部郎中不以望積南宮而怠弃其職修版圖以隱覈郡國天下不敢以懇田籍民之數欺于有司除萬年令問民疾苦而不問過失憂民賦輸而口憂盜賊惠孚誠達其令自行端冕而朝轂下清靜遷京兆少尹是歲荆吳昏墊宸衷軫駭親臨軒分命十使馳傳弔諭且令察視非清明簡重有生民之望者不在此選公復奏罄實固言蠲賦息役之宜爲聚斂者所嫉出爲絳州刺史因其歲歉導以地利整汾而灌注者十有三渠環絳而開闢者三千餘頃曷鹵之地京坻勃興謀最屢聞璽書降勞遷晉慈隰等州都防禦觀

察處置等使晉州刺史兼御史中丞賜紫金魚袋自絳及晉不三百里惠澤旁浸仁聲先路者久矣至是疲瘵之心如幽蟄聞春雷而起柔荑望和風而坼其感煦馴致之自然歟居晉郡六年順宗就加左散騎常侍銀青光祿大夫寵循政也今上徵爲兵部侍郎崇德口也方議毗倚寘于台司中外翕然日夕以冀俄以豐陵復土之重輟公嚴護拜京兆尹兼御史大夫充山陵橋道等使公哀敬盡瘁殆忘寢食凡七十日遇暴疾薨于長安通化里之私第高年五十有五皇帝悼惜與歎詔贈吏部尚書太常諡曰某公給鹵

簿鼓吹以某年某月日葬于京兆府某縣之某原前
夫人博陵崔氏祔焉禮也公所撰家祭儀三卷文集
一十五卷凡諸著述數萬言並行於代崔夫人京兆
尹御史大夫鄴國公昭之女柔德懿行儀形閨壺貴
壽莫偕先公而歿有子曰延亮前某官孝敬忠厚英
華逸發胸襟所得往往有絕雲霓之勢若不離師友
無倦追琢吾見韋氏之餘慶未可量也二女長適桂
管觀察支使太常寺協律郎隴西李允元次適荆南
營田判官江陵府戶曹參軍隴西李景儉有是子以
爲後有是婿以託孤公其無憂於地下矣後夫人某

卷二十七

七

郡某氏某官某之女繼室以德罔替前修帷堂晝哭
之後女有歸男有立姻族愈睦門風益清詠鵲巢之
詩者孰不歸美公終鮮兄弟有姊一人承順恩敬貴
而彌篤爲海內所稱於戲六歲而孝聞人子之難也
五十以悌聞人弟之難也苟非天性充塞以身立教
者其孰能踐百行之至難乎况文章經術禮樂刑政
磊落光耀之如彼斯可以言士之全也前年冬延亮
泣奉家傳造予衡門以金石之事見託會守遠郡歲
月差池作吏迫屑文字殆廢卒不獲命誠無愧詞銘

曰

以甘受和以白受采治自闔門聞于四海韋公之行
於是乎在名教以來未之有改吁嗟乎韋公天生蒸
民非禮弗存貴爲天子非禮弗尊韋公之學實專其
門秉之以心立之以言吁嗟乎韋公惠訓孜孜視民
如傷子產之後莫如龔黃韋公之政允紹其良民之
父母今也則亡吁嗟乎韋公奕奕相庭在朝之右人
方囑望帝亦虛受韋公之年曷不悠久德慶旣鬱宜
其有後吁嗟乎韋公

足本呂
衡州集

唐故湖南團練觀察處置等使通議大夫使持

節都督潭州諸軍事守潭州刺史中丞賜紫

卷二十七

七

金魚袋贈陝州大都督東平呂府君夫人河

東郡君柳氏墓誌銘

并序

柳氏系起黃帝世家河東晉永嘉末濟南太守卓隨
軍南遷吾先太夫人其後也高祖善才皇朝荆王侍
讀曾祖尙素潤州江寧縣令大父慶休渤海縣丞以
第二子兵部侍郎渾平章政事追贈蔡州刺史工部
尙書考識屯田郎中集賢殿學士或戶牖儒輿或繩
墨吏道或龜龍文章率有純行皆有餘力渤海府君
以道之不行儲慶於相國屯田府君以賢而無後寓
美於夫人夫人年十四歸我先公從秩封安邑縣君

進爲河東郡君貞元十六年六月庚寅前先公七日
棄養于潭州官舍高年四十有二有男四人長曰恭
舉進士未第幼曰讓年小未學恭之中第字翼天於
襁褓長女適淮南節度掌書記試太常寺奉禮郎豆
盧策次女適前進士柳濤二幼曰貢娘小貢僅卅髮
所母先公之子三人女一人長曰温前集賢殿校書
郎次曰儉前僕寺進馬季字秦生能言而天女適故
太常寺協律郎杜正孤子温恭以某年十二月八日
號奉帷裳從先公歸奉祔于洛陽邙山清風原之大
塋禮也嗚呼痛哉夫人事先公二十七年事不思不

卷二十七

六

行言不踐不發循守法度輝光輔佐苟有虧先公而
獲己所安未之或從苟有宜先公而於己未適無所
不就先公或未叶于中必廢食感悟得請乃復先公
之允歸于美則咎美將順以成爲繼王母在堂峻婦
姑之禮夫人柔色肅氣奉威承顏虔盟潔饋之勤寒
燠匪懈和灰紉緘之事顧指而具備修婦順動以誠
格旁感母道益無閒言王氏姑尚禮而毅嘗言吾嬖
敬我使我加重杜氏姑好仁而廉嘗言吾嬖知我使
我加感劉氏姑與先公異出嘗言吾嬖信我使我加
親其餘則循分制義親疎各得其所初克終中外

咸歸於穆夫人以恭既有譽處每戒曰文學政事汝有父師非吾所急吾唯厚爾孝悌之望豆盧氏柳氏女亦既有行每戒曰組紉環珮汝有姆傅非吾所勤吾唯宜爾室家之望恭由是先行後藝二妹皆自他有聞鍾愛於某常稱其克荷勸先公命以爲嗣而使恭下之惟疾之憂則恭無加也賢杜氏姊憐其早孀勸先公取以歸宗而躬撫之衣服禮秩則二妹莫倫也推是以往而配德肥家之道備矣外祖母喪夫人侍王母在洛訃自江左不勺飲者三日禮不敢過而哀有餘外祖前亦寓殯於丹陽外叔祖至宰相而未

卷二十七

七

克歸葬至是夫人訴於先公而假力焉且刺指書血寄誓家老俾偕啟兼護歸伊川舊塋卜祥無收子之名報德於移天之後言孝者以爲難夫人出自崔韋氏長姨出自蕭先公貴爲方伯韋府君黃綬早世夫人於異同之間榮悴之際愛敬必盡顏色無違言友者以爲難從祖舅山南節度推官曰從學於外祖能業文行夫人以終鮮兄弟憐比同氣見其立也喜亦如之崔氏舅益王府參軍曰涇幼依外祖母矢志耶圖夫人以如存之思奉比諸父聞其喪也哀亦如之推是以往而反本睦親之禮盡矣皆可以仁蹈中庸

義合古訓慈感土木孝通神明宜乎從先公極貴見
諸子垂白而始食郡封未開國號某未達恭未官幼
弟甫卅季妹方孩曾不浹辰怙恃繼失救血相視裂
肝窮號舉世獨冤終天莫訴嗚呼酷哉孤子某永負
極思靡所寘痛稽銘懿實不敢失墜其詞曰

景雲發祥古天子聖人之清柳爲氏氛氲萎蕤積繁
祉南遷鼎玉爛江沚吾先夫人懿厥後感神慈孝因
心友輔佐盛德譽無咎福宜高明壽悠久湖之南湘
之陰天平匪忱摧棘心洛有瀕邨有巔邈萬斯年咽

寒泉

同上

卷二十七

六

白居易

全唐文六百五十六有傳

授劉總秘書郎制

按此文見白氏文集四十八卷文苑英華四
百卷與全唐文所收杜牧作同姑存其目

段平仲

平仲字秉庸武威人第進士元和中尙書右丞世推
其敢直終太子左庶子

釐革太常儀注奏

按開元禮應受冊官初上儀並合與卑官答拜又准

令文僕射班品在三公之次三公上儀而嘗與卑僚
答拜僕射上獨受侍郎中丞等拜考之國典素無明
文因循乖越切在釐革太常所定儀制依據三公上
儀其間或有增損事體深爲折衷酌爲永制可以施
行應同所見各得連署

唐會要
五十七

牛僧孺

全唐文六百八十二有傳

升御史大夫爲三品奏

奉十一月二十八日勅中書門下奏御史大夫秦爲
上卿漢爲副相又漢末復爲大司空與丞相俱爲三
公掌邦國刑憲肅政朝廷其任至重品秩殊峻望準
六尚書例升爲正三品御史中丞爲大夫之貳緣大
夫秩崇官不常置中丞爲憲臺之長今九寺少卿以
及秘書少監國子監司業京兆尹并府寺省監之貳
皆爲四品唯御史中丞官業雖重品秩未崇升爲正
四品下爲大夫之貳令不隔品亦與丞郎出入秩同
以重其任緣關朝廷典制須行之可久必得博盡羣
議詢謀僉同望令兩省御史臺五品已上尚書省四
品以上太子太保太常卿參議聞奏者伏以前代帝
王建官設位之制互有沿革升降廢置蓋取於一時

所宜苟得其宜則爲當代之美臣等伏據六典故事御史大夫御史中丞等官歷代之制位不常定至於刑憲之所倚則古今之任不殊今陛下方宏約法之道俾增崇品秩同秩丞郎蓋千年一時之盛美也臣等又據故事御史大夫總朝廷刑憲掌邦國紀綱峻其秩位亦計所宜御史中丞雖官貳大夫與大夫多不並置專席旣稱獨坐隔品豈合迭居今命秩資升遷實爲允當臣等叅詳事理眾議僉同伏請著於典章永爲定制

唐會要六十

唐故太常丞贈諫議大夫温府君神道碑

并敘

卷二十七

三

温氏裔顓頊爲己姓其後有平佐夏滅窮厥用祚土

子孫因□其邑而仍其侯侯廿六代至父□于周別

封于缺二十字以纘以起曰序而忠曰恢而智美良嶠義

□高□□下咽堙橫張讎必大集缺廿八字無隱二祖之

德爆聞于時馨烈薰炙益熾而大□州生范陽令晉

冲范陽生右金吾缺廿六字佶字輔國□卽南鄭公之長

子也敏中方外韜蘊不露纂經窮元法爲時師元闕

捍闔缺五字而歸缺十字不閉魯郡公眞卿守平原公杖

策往謁雲風類隨忠氣合發當是時二顏橫起虜喉

咽受偪□□愁幾至缺十字實繫公之助也乾元至德

間太尉臨淮王以智力自高少爲士屈待口口禮不缺廿五字乞以爵縻因授太常丞公行藏有素訖謝而去

華胥聞顯益不憚愛捫神滅缺廿六字一人而已以建中

元年卒於鄴口口之成安里第穆宗文宗朝累口口子貴

贈諫議缺五十字也子男口口人日邁日遜日造日遜日遜缺卅

五者氣實一字缺五世具於仲兄今尙書公誌墓文邈

於長慶大和間累以給缺五不缺六故徐州王僕射

飛章交薦朝廷口口起爲百里缺五昔荀淑陳仲弓

父子兄弟以貞名高行爲時師每歲安車蒲輪玉帛

贄幣填塞門巷代光榮之今温門二世交聘微言不

卷二十七

三

絕於缺三荀陳之缺三其是歟天將釋其德而世其

家而今河陽三城節口使檢校戶部尙書公出焉尙

書名造卽諫議公之第三子潛武緯口口器缺十先

生之行具於故禮部郎中知制誥唐君次誌諫議公

墓文虎蹲蛟蟠卅始動三臺百口爭以狀乞累官至

尙書右丞屬興元缺九亂所殺朝廷憂之宰相泣於

上曰李絳死不口口而今而口口下爲鎮者孰敢主

其口口了辯是役唯温造耳上缺五授缺三度使公單

車去舉止如書生入之日自旦及午擁叛卒於外悉

殺之缺三下梟其首亂者口口之祭李侯之柩於是

朝之大臣缺七若温公者吾其可名乎微温公吾其

能保其任而完其生乎當是時若事或不幸卽四方

之佼佼者傾耳而蝟起其可量哉識者以爲公之功

缺五而截天下之流不橫矣其後由台階而贊大化

福萬品而光祖先斯人之望可指而待嗟乎諫議之

烈不泯而尙書之德復缺四温之字窮乎唐制位三

三品者父祖得以刻石紀神道僧孺於尙書爲缺三

日月爲多時門風祖烈聞字詳矣字其石字口字讓於

仁銘曰

先生之先在世多才曰博宏將三英彥聯聚公瀛州

卷二十七

三

行口而羶華實難并系世復卑位不稱缺六厥有先生

先生口口危行缺四入神扶顏過安批裂兩河飢鯨駭

楔幾死坳窠兵血之間笑言委遲不有其庸孰利於

名名從而缺六思先生生必有子尙書之缺五晦當大明

功曝而貴嘻其先生亦已不死誰其刻詩楊郡長史

蘇景胤

景胤長慶中監察御史

重罰廟參不到奏

祠祭稱定出齋宮等舊例准廟參不到四品以上罰

二千文五品以上罰一千文伏緣所罰稍輕更請加

罰

唐會要
卷二十三

劉栖楚

栖楚其出寒鄙為鎮州小史王承宗奇之薦于李逢吉逢吉喜助已不次任之歷右拾遺諫議大夫授刑部侍郎數月改京兆尹峻誅罰恃權怙寵以干進章處厚惡之出為桂管觀察使卒

閉市門禳諸陰奏

術者數之妙苟利於時必以救患伏以前度甚雨閉門得晴臣請今後每陰雨五日即令坊市閉北門以禳諸陰晴三日便令盡開使啟閉有常永為定式

唐會

卷二十七

三

要八
十六

李德芳

德芳長慶中鄉貢明經

唐故顏府君墓誌銘 并序

府君諱永其先瑯琊人也祖考並繼世承訓餘風所播口傳素葉門口清風志含大和隱而不仕口口君中和立身口口全節温柔成性積祿崇德口口言謙口口嗚呼不幸遭疾即以長慶四年歲次甲辰二月辛巳朔口口日丁亥終于揚州江陽縣口政里之私第春秋六十有八夫人口南黃氏令則高門容華備

質笄年之歲歸于顏□□門事君子盡忠□親□慈
以□有男二人長曰亘次曰少洪皆缺九以其月廿

九日己酉安厝于蕪城之東嘉寧鄉五乍村之原謝
氏之地禮也缺八移故刻貞石紀德乃爲銘曰

江漢炳靈繼生賢明猗歟顏君鬱然時英浴日空奄
逝水崑傾卜葬平野風搖栢聲刻石

華良夫

良夫開成間人

讓試官書

聖唐有天下垂二百年登進士科者三千餘人良夫

卷二十七

二十七

之族未有登是科者以此慨歎憤悅從十歲讀書學
爲文章手寫之文過於千卷唐琳

麋簡

簡東海人開成中鄉貢進士

南陽萊公逆修墓誌銘并序

唐越州上虞縣寶泉鄉處士萊再榮南陽人也其先
盛族以晉時過江卽□□睦郡烏龍山管壽昌縣仁
風鄉大厓二年從宦下車自晉捭越具載圖譜削繁
不書曾祖諱金祖諱銀皇考諱珪皆務本樂道林園
避時高尚不仕□□人榮陽鄭氏環公之女也公娶

童氏長五男四女長曰常情次曰常春曰常父曰常邁曰浩然長女適童氏次女歸樓氏次女趙氏次女求氏公立性端直居家孝慈名行衆推郡邑景仰謹身節用訓子業農智自心惠從目巧歲獲地利日資天年造作改張成樹邸店輕財好施崇善敬空閭井通和親朋恭順每與食以救飢餒解衣以濟單寒信義在躬謙讓行已大易所貴知存亡得喪其唯聖人乎大雅美其有初有終乃爲君子也遂得□□語妻孥曰人生必有滅有來必有往吾欲逆修墓塋齋七身後无擾尔意何如妻孥變色相顧叶順無違以開

卷二十七

三五

成四年七月廿四日卜宅吉珥選地得寶泉鄉孝敬里新成村預造墳墓合耐並全先備夫妻同穴之義運數將盡以□年□月□日歸葬此原生前有言誠諸子曰常情等儉省隨時无妄破費慎勿奢僭益後子孫莫惑交親宜守志行喪祭依禮无忤我情雲來子孫永不可忘託麋秀才文字爲我銘云簡依命牽拙其辭于後

知存亡兮其唯聖人知得喪兮固非比身成家基兮心因力因有初終兮易形爲神墳兮壟兮厚其塵松兮栢兮無爲薪石兮字兮唯其真德兮馨兮千萬春

越中金
石記

李隨

隨長慶中秘書少監

請鑄造秘書閣圖書印疏

當省請置秘書閣圖書印一面伏以當省御書正本
開元天寶以前並有小印印縫自兵難以來書印失
墜今所寫經史都無記驗伏請鑄造

唐會要
六十五

李濬

濬憲穆間人按與全文八百十六李濬別

松窗雜錄序

卷二十七

三

濬憶兒童時卽歷聞公卿間叙國朝故事次兼多語
其口事特異者取其必實之跡暇日輟成一小軸題
曰松窗雜錄

本書

韋公式

公式官秘書郎京兆府功曹

嶽祠題記

右公式頃年佐理斯邑自後向逾一紀六變官曹今
者慮以官成身有所繫奔馬到此追尋舊遊覽前題

處豈勝□□

金石
萃編

方叅

叅大和中官左驍衛倉曹叅軍

嶽祠題記

□執籩豆爲國討叛思契丹懇敬祭敬拜牢餼畢陳
所期感通昭鑒不昧列旌旗于綠野羅冠劍于明庭
其展禮容因以題記

同上

卷二十七

三



共甄斷谷國以嚴誦

西漢海國通經不却國致嶽于綠野羅冠劍于明庭
□蘇靈豆爲國討叛思契丹懇敬祭敬拜牢餼畢陳

亦太冊中官左驍衛倉曹叅軍

唐文拾遺卷之二十八

榮祿大夫三品頂戴前分巡廣東高廉道加四級臣陸心源輯

趙全泰

全泰敬宗時承務郎攝易州滿城令

唐承務郎前試左武衛兵曹參軍攝易州滿城

縣令趙全泰妻沛郡武氏墓記

夫人姓武常山鎮定人也其先宋武公後遷沛郡流芳散莽得地皆榮祖顏皇趙州司馬父諫皇冀州司倉叅軍簪冕承家琳瑯繼世夫人卽司倉之幼女也恭守先訓爲婦柔和內撫遺孤外睦親眷其於孝行

卷二十八

一

難以具陳以竄厯元年七月廿一日卒於定州深澤縣之官舍享年卅有六嗚呼哀哉有兒女五人卯雉相次哀號一絕悲感四隣卽以其年十月十六日遷窆於定州西南卅五里新樂縣仁義鄉之原柩於先塋禮也全泰官移此州纔餘一月旋聞疾困醫禱無徵願命之時後事無託關河阻遠奔赴不及痛一朝而永隔重泉感平生而撫棺慟哭慮陵谷變遷刻石紀其年代也

常山貞石志

符載

全唐文六百八十八有傳

亡妻李氏墓誌銘 并叙

夫人姓李氏其流派出於天漢之一枝矣衛尉卿昇之孫吏部尚書鬻之堂姪孫房州刺史逞之女凡婦之柔嘉茂淑組紉應對之事夫人備有焉加以敬恭長上誘納卑攜情禮周洽六姻睦然風韻孤遠不嬰常態中饋酒食外彈雅琴詠古詩鄙人褊忝陰有助不幸友落春秋三十六以貞元十一年三月十二日疾卒于尋陽是年四月廿一日權窆于德化鄉之北嶺元和七年八月七日載上天降禍荐丁豐罰扶護靈輓歸於鳳翔曰得啟發祔于皇先姑之側禮也嗚

卷二十八

二

呼生展于敬養歿葬於舊鄉上不愧于三光下不畏于九泉可謂始終婦道無罪悔矣男曰匡儒女曰上清子攀號不遂哀纏茶蓼引農楊夫人育之於顧復訓之於教義幾乎成立莫知所自庶足以慰幽魂焉

銘曰

浮江泝漢歸舊鄉己方甲穴掩玄堂千秋萬歲安未

央石

薛存誠

全唐文六百九十三有傳

御史推勘不限東西秦

當司應受事推勘等臺中舊例及興元元年十月四日御史大夫崔縱重奏取侍御史殿中侍御史各二人共成四推猶以東西推爲名又各分京城諸司及道州府爲東西之限隻日則臺院受事隻日則殿院受事其中一人有故則同推便知者伏以所分諸司及府州爲限已定事若併至無例均分劇者則推鞠難精閑者則吏能莫試今請不以東西爲限亦不以取隻日隻日受事但請依舊請四推御史令輪環受事周而復始如此則才用俱展勞逸必均其餘應緣推事須有約勒若一一聞奏慮煩聖聽勅下後請隨

卷二十八

三

事條流

唐會要六十二

薛平

全唐文六百九十三有傳

禁掠賣新羅人口奏

應有海賊掠新羅良口將到當管登萊州界及緣海諸道賣爲奴婢者伏以新羅國雖是外夷常稟正朔朝貢不絕與內地無殊其百姓良口等常被海賊掠賣於理實難先有制敕禁斷緣當管久陷賊中承前不守法度自收復已來道路無阻遞相販鬻其弊尤深伏乞特降明勅起今已後緣海諸道應有上件賊

並賣新羅國良人等一切禁斷請所在觀察使嚴加捉搦如有違犯便準法斷

唐會要八十六

高元裕

全唐文六百九十四有傳

丞郎拜食先牒臺司奏

伏以近日丞郎以上官未就食之前時有稱疾便請先出請自今合候對官遇延英開日有事要與宰臣商量者卽請拜食後先出仍事須前牒臺司或年齒衰遲不任每度就食者量許三度仗下後先出其餘官不在此限如違請每月終一度具名聞奏

唐會要二十五

卷二十八

四

李夷簡

全唐文六百九十四有傳

憲宗稱祖奏

王者祖有功宗有德大行皇帝戡剪寇逆累有武功廟號合稱祖陛下宜當決在宸斷無信讎讒書生也

唐會要十五

彈奏舉選限內請朝參奏

崔貞元十二年四月中丞王顏元和元年三月中丞武元衡奏兵部吏部禮部侍郎官每年舉選限內不奉朝參又今年所造選格不詳勅文復請明日朝參

臣合彈奏

唐會要二十四

訪察諸道不法奏

諸使諸州有兩稅外雜率及違格勅不法事請諸道
鹽鐵轉運度支巡院訪察狀報臺司以憑聞奏冊府五百
六十

李紳

全唐文六百九十四有傳

唐故試太常寺奉禮郎趙郡李府君墓誌文

府君諱繼字興嗣晉陵府君口長子先口人裴氏出
也府君娶博陵口絳缺四壽六十一以元和口年二

卷二十一

五

月缺四

常州無錫縣寓居缺八

至十口年秋七月廿

有缺五

奉歸于長口百庶原陪缺五

君瑩之後七

十六步冬十一月缺五

嗚呼先兄有文學缺八

不仁

又絕其嗣有缺九

猶室嗚呼紳遠自淮缺七

淚血而

東之諸侯口為口事遠缺四

可恨者崔嬭以信丁巫

神不護靈旒口為痛哉敢誌於石用告幽壤謹誌

博陵不義不順不奔不謨明神有知終不得石刻

李德裕

全唐文六百九十六有傳

奏回鶻事宜狀

右臣等見楊觀說緣回鶻赤心下兵馬多散在山北
恐與奚契丹室韋同邀截可汗所以未敢遠去今因
華封迴輿望賜仲武詔令差明辨識事宜軍將至奚
契丹等部落諭以朝旨緣回鶻曾忠效又因殘破歸
附國家朝廷事體須有存恤令奚契丹等與其同力
討除赤心下散卒遣可汗漸出漢界免有滯留如蒙
允許望付翰林約此意撰詔兼詔克恭未審

影宋本
會昌一

品
集

請發陳許軍馬狀

右臣等商量賊中人心久合自變猶恐顧望河朔旬

卷二十八

六

月偷安陳許累有戰功軍聲甚振王宰年力方壯才
略可稱委之征行必有殊效非惟破賊積之膽足以
堅鎮魏之心倘有先聲必當自潰望詔王宰自揀當
軍馬步精兵除合留在鎮外並取河陽相衛路直抵
磁州其在鎮兵馬委行敏權知仍差幹事判官一人
留務未審會昌三年八月十一日

同上

賜王宰詔意

用兵之難在於過險旣收要害便合成功故出井陘
而趙師虜過成臯而吳寇殄得略陽而隴坻服入大
峴而廣固平近則破鹿頭而翦蜀克郾城而定蔡卿

初取天井大振威聲皆謂計日而取澤州指期而擒
劉稹頓兵危坂已涉二時日費殆過於千金途隘有
逾於九折士不宿飽人已告勞在朝公卿繼陳讜論
皆云卿之血屬質在賊中此一人之常情固當無隱
昔樂羊食子文侯見疑愛旣及於懿親義豈後於君
上若慮危害晏實未忍急攻但卿披誠朕必深恕卽
當與卿移鎮必使兩全如能大義滅親至誠體國捨
爾所愛建茲殊勲繼先王鐘鼎之榮傳子孫帶礪之
慶卽須厭塞公議早覆妖巢朕之報卿必異羣帥暑
潦將至農事已興偃武息人固難淹久深思朕意勿

卷二十八

七

更食言又知卿比留支兵守備萬善旣分武力尤費
機謀今授劉沔河陽日臨寇境俾爲聲援常據要衝
卿旣進攻必無後慮勉當協力副朕至懷

同

答侍郎十九弟書

天地窮人物情所棄雖有骨肉亦無音書平生舊知
無復弔問閭老至仁念舊再降專人兼賜衣服器物
茶藥至多開緘發紙涕咽難勝大海之中無人拯恤
資儲蕩盡家事一空百口噉然往往絕食塊獨窮悴
終日若饑唯恨垂沒之年須作餒而之鬼十月未伏
枕七旬藥物陳裒又無醫人委命信天幸而自活聞

十一月二十日從表兄崖州司戶叅軍同正李德裕

狀侍郎十九弟

洪邁容齋續筆

遺段少常成式書

自到崖州幸且頑健居人多養鷄往往飛入官舍今

且作祝鷄翁爾謹狀

北夢瑣言

李渤

全唐文七百十二有傳

創置理匭使奏

伏準寶應元年五月勅給事中韓賞中書舍人楊綰

同充理匭使其時二人奏大理評事盧翰充判官又

卷二十八

八

準六典匭使常以御史中丞及侍御史爲之臺中人

吏強幹首列百司明勅特并入匭實同創置其官吏

手力食料紙筆委本司條流聞奏

唐會要五十五

李聽

全唐文七百十三有傳

募馬備邊奏

請於淮南忠武武寧等道防秋兵中取三千人衣賜

月糧賜當道自召募一千五百人馬驍勇者以備邊

仍令五十人爲一社每一馬死社人共補之馬永無

闕 唐會要七十二

胡季良

全唐文七百十三有傳

方山寶幢贊

并序

義不□國非忠也福不普緣非教也會昌□□年立

幢大居士陳君曰常進□處居家不□三界缺四字晉

□生靈□僧白僧岳內閔菩薩外現警聞建立寶幢

福延成性以此教救善住□遠□入□入菩提之門

今以淨願立存存之□誠□致□□之福也良工周

氏□□立石沓花臺勢轟梵史祇□□戶叨成也贊

曰

卷二十八

九

文殊取經大帝宏教文德武功惟忠惟孝開張修相

闡□門要龍華□期□福□妙石刻

德本寺碑

按此文見陶宗儀古刻叢鈔題胡季良纂談

鑰吳興志亦云德本寺碑胡季良撰與全唐

文九百九十闕名之文大略相同惟立君之

立叢鈔作卽必無其跡之無叢鈔作垂達於

所亡之亡叢鈔作止落澗上叢鈔有同字永

躡下叢鈔有其石路與石橋之名相次不朽

一句餘皆同所據當別一本今存其目文不

柳公權

全唐文七百十三有傳

尊殿卑議

尊殿卑非鬪也且其子在以妻而戮其母非教也

南

新書

筆偈

圓如錐捺如鑿只得入不得卻義是一毛出即不堪

用上

聖慈帖

卷二十八

十

聖慈允許守官稍減罪責猶深憂懼續冀面言不一
一誠懸呈卅第處十四日敬空

伏審帖

伏審姊姊八月定發第與廿八弟同從行遠聞不勝
抃躍今日元七來望弟速到極也願在路諮問不停
滯幸甚未即展豁尙增悵悵不一一公權呈廿三第
廿六第廿八第卅第處卅一第意不殊前要小楷後
使送往空

赤箭帖

奉榮示承已上訖惟增慶悅下情但多欣愜垂情問

以所要悚荷難任儻有赤箭時寄及三五兩以扶衰
病便是厚惠不具公權狀白

辱問帖

辱問卻道及碑本兼虛獎逾涯但深反側因見趙張
如虛獎之說爲緣飾也幸甚不具公權呈

並消化閣帖

時新帖

爪一顆時新第一割而嘗之味又甘好以表汝之孝
也明後至彼不悉耶告世四娘省

汝帖

年衰帖

公權年衰才劣昨蒙恩放出翰林守以閑冷親情屬

卷二十八

十一

託誰肯爲響應惟深察公權敬白

同上

蘭亭帖

張蘭亭詩兼公權續得者亦坳上伏維檢領入篋餘
冀面話不次十一日公權狀上給事閣老閣下青禱
輒換卻舊者謹空

蘭亭續帖

題王大令送梨帖

因太宗書卷首見此兩行十字遂連此卷末若珠還
合浦劍入延平大和二年三月十日司封員外郎柳

公權記

三希堂帖

謝人惠筆書

近蒙寄筆雖毫管甚佳而出鋒太短傷于勁硬所要
優柔出鋒須長擇毫須細管不在大副切須齊副齊
則波擊有憑管小則運動省力毛細則點畫無失鋒
長則洪潤自由頃年曾得舒州青練筆指揮教示頗
有靈性後有管小鋒長者望惠一一卽爲妙矣天中記

吳臯

臯憲穆問臺史按當爲盧坦官監察時御史臺令史有謂臺史卽今所謂屬吏者疑非

爲盧坦紀事銘

盧坦爲河南尉時杜黃裳爲尹然以受餉見疵也召
坦立堂下曰某家子與惡人游破產盡察之坦曰凡

卷二十八

七

居官廉雖大臣無厚蓄其能積財者必剝下以致之
如子孫善守是天富不道之家如不善守必恣其不
道以歸於人黃裳驚其言自是遇加厚臺史感而銘
曰有燦者物有棟者欲投之而迷才也罔束維後
之艱維身之戮垢業迺盈冥數迺肅嗟彼嫩人朗焉
如浴識與天諧動與義屬利奚以乘害奚以局斷帶
齊瑩作癩比壽藏絲並暉受魚擬辱玉壺澄姿水輪
逸躅子孫爾昌福祿爾足聞則憚心見則駭目我欲
行之烟誠是躅十二硯齋金石錄

韋辭

全唐文七百十七有傳

請停權麴奏

前使王公亮奏請權麴收其贏利將大上供臣到州
察訪自停加配閩里稍安人戶逃者亦漸歸復但藏
挾頗易挂陷頗多兼當州土宜少有麴麥州司遠處
求糴般運甚難伏請卻停權麴任商旅將至當州州
司准權酒元勅及洪州鄂州流例於州縣津市官酤
以代人戶配額

冊府五
百四

崔元略

全唐文七百十七有傳

卷二十八

三

全唐文七百十七有傳
軍使追人令移文牒奏

諸司諸軍諸使追府縣人吏所由及百姓等比來府
縣除賊盜外所有推勘公事相關者皆行公牒近日
多不行文牒率自擒捉禁繫之後府縣方知其中人
吏所由亦有姦猾爲無憑據妄生推枉又難辨明其
百姓等聽被追捕緣無公牒多加怨動致有逃匿今
後望降勅旨應請諸軍諸使要追府縣人吏百姓等
非盜賊外並令行移文牒所冀官曹免相侵擾

唐會
要六

七十

李珣

全唐文七百二十有傳

徐行周五代同居奏

廬州舒縣太平鄉百姓徐行周叔姪兄弟五代同居

請免其同籍戶稅冊府四百九十一

十一 華景洞題名

郴州刺史李珪桂管都防禦巡官試秘書省校書郎

元允口會昌五年五月二十六日同遊時珪蒙恩移

郡之任桂陽校書以京國之舊邀引尋勝男前京兆

府參軍階進士潛譜楷從行廣西通志

全 韋絢

卷二十八

全唐文七百二十有傳

十四

戎幕閒談序

贊皇公博物好竒尤善話古今異事當鎮蜀時資佐

宣吐虜虜不知倦焉乃語絢曰能隨而紀之亦足以

資於聞見絢遂操觚錄之號為戎幕閒談太和五年

十一月二十三日巡官韋絢引本書

藏諸

諸文宗朝人平難自致翁於國恩誠足表正於

菖蒲澗記外國書苑

菖蒲澗澗多菖蒲因名之自潭北入澗行經此新開

路東轉不啻一百步其間巨石疊倚嘉木交暎嵌空
森聳竒勢異狀緣苔青蒲印搭履跡捫手探足無非
蒼翠幽禽欣欣飛泉潺潺若有羽人僊客鼓瑟吹簫
於洞穴之中繇是使人心逸神怡恍然忘歸斯實方
外靈邃之佳賞也噫自有此澗杳無人蹤豈異夫浮
世之事通塞亦有時耶今鑿崖爲路梯石爲徑連延
抵于碧巖盤石之東究其澗分之所巖石亦有鐫字
開成四年十月廿三日武功男子藏諸記山房僧引
眞同尋澗路

金石苑

魏則之

卷二十八

十五

則之文宗朝人朝散大夫試太子詹事兼監察御史
唐左神策軍護軍中尉副使兼左街功德副使

金紫光祿大夫右監門衛將軍上柱國高平

郡開國公食邑二千戶劉公故夫人宏農縣

君楊氏墓誌銘

并序

夫積慶者宜鍾乎介祉享祐者宜降以永年繆鑿若
斯根源靡究然修短之分豈造次而踰焉嗟乎月墮
仙娥星收婺彩花摧玉樹噫足悲哉夫人宏農楊氏
諱珽字瓊華京兆長安縣人也曾祖待賓皇昭武校
尉守綏州義合府折衝祖延祚皇任內飛龍廐都判

官寶應功臣太中大夫行內侍省内常侍上柱國賜
紫金魚袋父惟良皇任華清宮使朝散大夫守內侍
省内常侍上柱國賜緋魚袋皆簪組傳榮衣冠葬
庸勲繼代謀譜詳諸夫人卽內常侍公之長女也坤
靈毓質蘭晚挺姿性稟冲和量懷溫雅詩書瞻曹家
之奧管絃精蔡氏之能婉嫵含貞宗族攸重三星始
見百兩爰來年洎初笄適于高平劉公漢潤齊眉等
貴合鸞聯輝相敬如賓和鳴並耀日來月往卅餘載
晨昏盥饋夙夜無違逮事舅姑益彰溫清因夫延寵
疏邑顯榮石窳之封固無慙德繇是閨門鬱郁素履
彌芳壺範聿修彤管稱美宜乎永諧宮徵終契百年
之歡樂往悲來旋徵二豎之夢膏肓有驗和扁無瘳
沉痾連絲委懃臻極以大和四年六月十一日卒于
輔輿里之私第享齡五十有四粧奩遽閉香閣永辭
逝水不迴奄歸長夜嗚呼哀哉瓊枝忽墜鸞鏡徒懸
悼隔幽明痛深泉路兆卜先遠龜筮告從旌旒啟行
輜輶就引卽以此年十月廿九日遷窆于鳳城西之
龍首鄉龍首原禮也有子五人長曰仕仔子亭判官
太中大夫行內侍省内府局丞上柱國高平縣開國
男食邑三百戶次曰仕備朝議郎行漳王府叅軍上

杜國次曰仕侗中散大夫行內侍省內府局丞上柱
國彭城縣開國子食邑五百戶次曰仕僚次曰仕僉
賜緣或趨馳禁掖或叅貳王曹或委質宮闈或優遊
墳籍皆神形特立雋秀當時聲掩八龍價邁三虎茹
荼叩地瘡毀苦廬泣血絕漿孝伴曾閱攀號不逮鴆
慕冈依感切風泉哀纏骨髓恐川成峻岳山變洪波
願刻貞珉庶旌盛烈銜悲見請竊愧謏才握管抒辭
多慙漏略銘曰

易讚坤靈詩美嬪則婦道母儀柔從淑克行標茂範
德播擇鄰事上盡敬撫下推仁宜昌百祿保壽千春

卷二十八

十七

天胡不臧降禍茲辰宅兆何所鳳城西偏松檟云樹
曉夕凝烟楊葉蕭蕭馬鬣危危芳塵漸遠朗月空垂
石刻

畦畚

畚大和中人自號姑射處士

唐故試大理司直辛公墓誌銘

公諱幼昌字宏運其先隴西人曾父奉國開府儀同
三司豐州刺史天德軍使兼御史大夫上柱國隴西
郡蕭國公食邑三千戶贈工部尙書烈祖榮朔方節
度副使口會都知兵馬使兼御史大夫平陽郡王食

實封一百五十戶父□持節通州諸軍事守通州刺
史兼御史中丞公累傳茂範藉振能名聰博機譽卓
然宏異始總□郡會嬉戲之際識者目落落之清姿
則駭謂固天縱也暨長□□□瀟墨樞缺十明示將
來缺四荷□□□莫大之術者何晉金拖紫之崇貴

得不坐而至乎何伏波定遠之□爵得不俯而置乎
亦何俟矻矻伏膺然後爲學繇是六奇三略開闔襟
□每鳴弦架鐘遠近弛張謂古之破葉號猿今足當
仁矣公以業□簪組旌戟交輝固欲指掌青雲捧楊
白日仕進之廣路官學之多門□躡梯階式爲修立

卷二十八

授試大理司直□寄結僚友□追游孟仲芬葩芝蘭
疊馥豈止趨庭申孝敬之則□節盡周旋之誠遠望
前程熟究邊極豈其彼蒼者天修□無筭巨鱗既□
煙溟勢窮以大和六年十二月廿五日卒于平陽郡
之私館□□廿有七允子師周孺駮未識熙怡詎悲
零丁鴈行□□茶感且□中丞□□遷牧通川南北
迢遙山川綿隔□家于□□已厯歲時凶訃難飛鶴鴿
增疚仲兄幼直等部辦儀具克叶龜從以明年三月
廿七日□送歸附於京兆萬年縣三趙村東原之大
塋禮也固恐桑田凌谷穢徙星霜庶撫□實憑不朽

而雕于石其辭云

命運罕知兮杳冥莫測
建兮殲我懿德不可
贖兮永
春閑元宮兮松柏爲隣

續語堂
碑錄

昔耘

耘大和中鄉貢進士

大唐故隴西郡李府君墓誌銘

并序

夫地稱膏壤迺生度用之材家號忠貞必育仁義之
子蓋慶由善積氣自元深在論物情其義一也府君
諱琮字溫中先曰隴西人也門承台鼎代襲勳崇懿
範令儀生而復稟謹飾挺立孤高莫儔爰自稚齡至

卷二十八

十九

于羈歷抱瑚連之器有老成之風處榮蔭而不自
媒爲貴允而心無所伐曾祖欽皇金紫光祿大夫左
金吾衛大將軍贈太子太保雄名偉望迥冠古今祖
晟皇開府儀同三司太尉兼中書令贈太師間僕之
後特因時生匡國寧人事著貞元之世徇忠奉節名
光圖閣之書父愬雲麾將軍前右龍武軍將軍知軍
事稟靈祚胄挺器英枝韞忠略而候難以行寘謀猷
而候時乃進府君飽聆教道足守義方未踰弱年兩
覲銓選位官察職流輩無雙罄勤恪以務公途竭俸
祿而資私養朋友歸美親族稱賢謂若寒松永固凌

霜之質翻如春槿旋飛不實之華傾自疾纏暨丐莫
救時大和八年二月一日終官于朝請卽行都水監
丞雲騎尉廿有一何顏子促矣傅父保母哀無輟時
恨存歿之有殊屬穿竇而獲曰誠有可載議刊刻焉
遂命末才俾爲紀述以是年是月十五日墓于京兆
府萬年縣甯安鄉杜光里庶年祀更易陵谷推移希
播餘徽用銘於石其詞曰

貴葉勳枝非爾迺誰挺生秀氣特稟英姿體抱冲和
色踰謙敬宇蓋松寒肌膚玉淨中稱孝謹外伏敦良
威儀自得行義潛彰千里之駒九秋之鶚方富於年

卷二十八

三

曷爲凋落原儀將設送禮斯陳黃壚日閔萬古千春

續語堂
碑錄

劉礎

礎大和時正議大夫檢校右散騎常侍兼光祿卿上
柱國終鄜坊節度幽州盧龍節度使劉總之子

唐幽州節度衙前兵馬使王公夫人故隴西李

氏墓誌銘 并序

夫人諱元素其先隴西人也爰祖及父俱厭名位高
尙不仕以從其心夫人四德克修五常無爽鄉黨重
其孝隣里傳其行年口九適王公因家于幽州之幽

都縣與其娣妯偕事先姑夫人藝出自然孝秉天性及姑之病綿歷歲時夫人色不滿容行不正履飲食湯藥必致其誠裁縫繡畫必盡其力是以先夫人愛之重之不使離其側每謂所親曰我見此新婦則疾覺小瘳其敬順之至通於神明矣洎丁先夫人之禍亦以孝聞有男二人長曰從約次曰從禮有女一人早歸於礎元和之末穆宗篡位礎自幽州戍倅作牧南陽夫人愛女隨焉銜命西上旋屬口門長惡姻黨稱兵音書兩亡倏忽十載九秋明月不照別離之心三峽夜猿應識悲涼之思粵去年秋七月方達京邑奔危疑之地登仁壽之鄉室家以和骨肉相保豈期百花林下未盡歡娛三春節中俄聞哭泣以大和六年二月廿有九日遭疾終于道政里之私第高年六十六屬纊之時精神不撓所有遺託其詞甚哀嗚呼夫人台二姓之好歷四紀于茲事夫稟梁鴻之婦道訓子法孟軻之母儀持家以正接下以慈命也不造德之何衰卽以其年五月八日歸葬於京兆府萬年縣龍首鄉成義里鳳栖原禮也雖音徽昭美已布於遐邇而陵谷更變或資於述作琢于貞石用紀遺芳乃爲銘曰

桃之夭夭灼灼其華彼美夫人宜其室家既出李宗
嫁爲王婦容止可觀進退可度唯靜唯默以貞以素
誰謂年光忽如薤露成義之里鳳栖之崗寂寂墓門
蕭蕭白楊身葬異國神游故鄉萬歲千秋德音不忘

石刻

賈文度

文度大和時人宣德郎守左春坊太子內直郎

唐故太府寺主簿弘農楊府君墓誌銘

公諱迥字居然其先引農人也纓冕不歇炳煥相聯
雖曰四代五公其後益熾公曾大父玄珪任銀青光

卷二十八

三

祿大夫守工部尙書贈太子少保大父錡任銀青光
祿大夫守衛尉卿駙馬都尉尙萬春公主贈太常卿
父暉任中散大夫守光祿卿尙宜口縣主世秉懿德
姻襲金枝初任文敬太子廟令奉蘋藻供祭口禮敬
必誠嚴謹備至次任左監門衛胄曹參軍口而不固
雅而應物克己復禮時然後言次任左威衛胄曹參
軍性專靜內敏有幹局無口無爲化成於政次任河
中府河東縣尉儉慎端默居官廉恪所口不過一扇
而政行一邑次任太府寺主簿守位必敬臨事必口
口不以悔愆改節爲權豪屈言府君有子二人長子

曰引次子□□訓以義方敦閱詩禮咸能被服文行
時人稱公善誘善教何期□不福善以大和七年十
月十七日寢疾終於延康里之私第享年五十有三
呼公之沒也志負其願壽違其仁官屈其器君子□
□嗟其□而哀其命嗚呼渭水東注時與之俱音光
緬然何□□矣夫人秀谷縣主禮樂風操家之範也
柔明孝慈天之質也□修采蘋之職□正家節楊氏
之六姻肅九族睦實夫人是賴豈期脩短是歲十一
月十日不勝其哀薨於靈側春秋二十有六後公廿
三日而歿公之難弟前司農寺丞道涕血護喪痛失
雁序謹以歲次甲寅八月己卯朔廿四日壬寅遷公
及夫人靈座合安厝於萬年縣高平鄉高望里附先
塋之禮也猶懼人世陵谷之不可期故刻石誌之冀
其名氏之攸遠也銘曰

瓊樹零落兮秋夜長金枝寂寞兮遺清芳永扃泉戶
兮誠感傷天乎欲問兮徒蒼蒼

石刻

崔鏐

鏐大和時人官闕無考嘗奉使三韓按唐書宰相世
系表清河小房有鏐當陽尉

大唐故興元元從登仕郎守內侍省內侍伯員

外置同正員上柱國朱公故夫人天水郡趙

氏墓誌銘 并序

崇高兮廣大之厚礚礚兮周流之遠浚源長派茂榦
脩柯著于圖謀可得而言也夫人姓趙氏其先天水
人逮乎晉室克纘厥烈播揚芬馥歷世輝耀搢紳之
盛著乎人文炳然昭彰備存簡冊夫人幼稟禮法長
明詩訓閑惠詳雅實生之知及笄而歸于朱氏之門
克承坤順之柔婉媿謙恭之美奉舅姑著雍和之稱
睦娣妯有柔愛之儀垂範可以示後昆立程可以式
九族加之以恭儉施惠愛人以禮慈和溫敬六親儀

卷二十八

三

形是宜克保室家永綏豐祿良時難再晝哭二十二
年及茲從心專意內典以嗣子奉命雞林三歲然復
疚心疾首六時禮念冥期祐助以福後胤果符神力
保全以歸洎相見時悲倍於喜浹旬大夫寵命日隆
自宮闈令拜閤門使中外相慶咸謂夫人冥求保助
以致於斯旣契夙心吾無恨矣嗚呼方歡娛於色養
遽見悲於夜泉夫人以大和八年四月十六日終于
長安輔興里之私第享年七十有五歸全之日遺命
謂大夫曰汝忠於國又孝於家海外三年吾期重見
於此盡矣更何恨焉啟手足親戚悲號皆若終身之

酷可謂生死之義備矣先府君元和七年卽世權窆于京兆長安縣龍門鄉石井村今以其年十一月十四日改卜新阡重安窆窆于承平鄉大嚴村合祔禮也嗣子朝政宮闈局令充閭門使克承家之景行著揮謙於士流文以飾身武資忠力一心匡主万里前途泣血覺覺杖然後起兩女長適濮陽吳氏先夫人二歲而卒次適彭城郡劉氏晝夜哭泣水漿不入行路感歎殆至毀性鏗嘗忝國命與大夫同赴三韓備聞夫人善德託以敘述不敢飾讓庶紀其梗槩其餘美烈固存乎女史刊于貞石以懼陵谷之變也銘曰

卷二十八

三五

灼灼薜華皎皎如月既歸我里禮法斯設其一垂範體

則用光婦德克奉舅姑亦展忠力其二永享豐祿宜其

家良白日不駐青松已行其三哀哀嗣子崇崇高原冥

寘長夜騷騷在焉其四隴隧新啟壽堂初開合祔神宮

永安夜臺其五石刻

明援

援大和中儒林郎試左金吾衛長史上護軍

唐胡府君夫人朱氏墓誌銘

胡府君安定人其先分氏於舜曰胡公滿之後也綿

歷載代英賢顯赫以元和十二年十一月四日十七

稔而終祖考名諱仕進文藻暨府君德行名節男婚
女媾悉具前誌故略而不書夫人族望沛國累世因
時播遷今爲江夏安陸人也曾祖大父載在家業考
諱壁游心物外守節嚴阿志遂忘情不屑時務可謂
耶園奇士聖代逸人焉夫人卽處士第一女也柔惠
懿淑婉婉雍妍禮樂素諳女工夙解年及乎笄歸于
府君琴瑟克諧澣濯示儉箕帚旣恭蘋蘩式潔閨門
以睦宗族以和中罹府君之艱痛鵲枝之半折恨龍
劍之偏沈撫膺盡哀秉心全節惻愴拳慕寒暑載移
於戲吉凶倚伏幽微難明德禮彌高年齡忽落以大
和六年口寢疾明年正月十日終于江夏郡中和
里之私第享年八十有二越二月廿口日合葬于黃
鶴山之南原府君之塋遵魯人之耐同皎日之詩禮
也嗣子眞等皆發刃受鋒觀材見寶孝心塞乎天地
而橫乎四海豈止於泣血終喪感深殞絕而已哉以
援曾預嚴親之友奉命述其盛德云銘曰

嶽巖黃鶴峰巒旁薄邈迤南岡形勝北翔合耐舊域
威儀不忒猗那夫人德禮難倫盡明敏松筠表節
地久天長桂馥蘭芳桑田變海貞石



